


6

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
JUN 28 1932

T 313.4/332.83



列女 潮邑併入

明

韓氏州人定邊衛千戶韓景女錦衣衛舍人湯全妻韓年十八全贅於韓半載全從軍陣亡韓誓不再適家止有弟韓璵方七歲撫之成立孀居三十餘年天順六年建坊旌表

李氏潮庠生董恕妻年二十二恕歿子生甫周歲李哀毀幾絕不敢身殉苦志守節撫恕成人宏治間建坊旌表

葉氏州人魏豫妻夫亡苦志守節詔旌表正德六年為流寇所掠不屈死事聞於朝勅建祠祀之

舊志失載攻畿輔通志採入



吳氏名淑廉州庠生孫祿妻祿早嬰疾吳于歸後侍奉湯藥調護起居者八年尋病篤吳勸曰夫有嗣吾爲夫後活也今且死無嗣吾何以生爲悉散篋中衣飾于娣姒親舊卽絕食親黨有泣勸者終不聽且曰與其後夫死不若先夫死迨其見吾目瞑矣一日沐浴更衣甫畢而絕旬餘夫亦卒正德十一年建坊旌表

葉氏浙江蘭谿人州人神武衛舍人許紳

明史作紳

妻紳故饒

家業好任俠揮霍無節葉嘗諫曰物力可惜作法貴儉以君所爲恐暴殄爲天所忌一旦蓋藏告訕將奈何紳不聽果罄所有衣食且不繼携葉出投所親路死于舊

城西門外葉守尸晝夜悲號州人哀之或餽飲食或遺金帛或歆其改嫁以葬夫俱不顧絕水漿十有四日死尸旁年纔二十餘州人爭買棺鬻地合葬適巡撫御史錢學孔按通親見之疏聞下禮部議尚書夏言重其烈議請旌表嘉靖十五年建坊立祠有司春秋致祭侍郎李廷相銘其祠碑碑文載藝文志

已載明史

張氏州人定邊衛指揮吳越妻年十八夫歿矢志守節至六十一歲嘉靖間建坊旌表

謝氏直隸順義人鄆人都指揮聶敏妾敏卒謝所出二子應元啟元俱幼謝矢志撫孤不以諉諸嫡長值歲荒族

黨覬其家賞嗾令改適謝厲聲曰吾有二子可使成立
即天不遂吾意吾身死得附于都司君墓亦何憾族人
慚懼而退治家以禮法門庭肅然卒年八十四子啟元
以明經官長葛令曾修溇志萬歷間知縣趙廷儼旌其
門曰貞節

劉氏溇人日照訓導張永達繼妻年二十二夫亡家極寒
素無以自給劉茹茶飲槩苦節撫孤教三子皆成立卒
年八十九萬歷二十一年孫庠生德厚以苦節呈于當
事知縣魏之幹給額旌之

張氏州人龍某妻錦衣衛校尉龍鍾母夫亡守節子鍾早

卒偕子婦盛熒熒共守以終其身舊志無今補

盛氏州人錦衣衛校尉龍鍾妻年二十八夫亡痛絕欲殉
時孀姑張守節多年二子躍蹈俱幼母勸之曰汝死誰
為事姑育子者乃強起操家家貧甚黽勉奉姑菽水必
盡其孝教子以義方俱有卓行苦節六十餘年卒年九
十萬歷間知州吳來庭高位先後給額旌之曰雙節流
芳曰九旬完節崇禎十二年督學吳道昌奏旌其門次
子蹈詳孝義中孫婦彭孫妾張並以節著詳後傳

單門三節蘇氏州人敬之女嘉靖癸未進士單鉞妻姜氏
鉞之妾單氏鉞次女也鉞家張灣登第後旋卒時蘇年

二十六有女二無子慟欲自裁因姑老妾姜方有娠忍死待之以遺產付夫弟鑿經理字長女于都察院楚人賈戡子某字次女于刑部郎宣城張乾子正甫守節五十餘年卒年八十姜氏于鉞卒後六日生一子八歲天蘇憐姜年少喻以他適意姜泣曰是何言也節義何常惟人所蹈吾奉嫡終身得同歸單氏瑩幸矣豈謂婢妾遂無至性哉妾志已決請無他慮蘇敬禮之若姒卒年七十餘單氏歸張正甫于京邸未三年正甫歿旅櫬南旋單依母蘇以居一日告母曰兒張家婦終當歸張且婿墓已宿草而兒未一展拜心旦夕怆怆然何能久侍母也辭歸宣城未幾卒州人尚書楊行中作單門三節傳紀之

張氏浙江山陰儒士柳廷元妻徙于通爲州人嘉靖間廷元病篤慮弟廷政凌之囑張曰兒女幼爾又年少不如改適以存孤張聞願自盡明志廷元曰吾恐爾母子難以自存耳果能撫之吾目瞑矣廷元歿張年二十七廷政盡奪其家貲逼改嫁張乃携子女別居紡績自給子女旣長爲營婚嫁苦節五十餘年卒年八十二曾孫國棟官句容縣丞元孫星耀沂州州同

王氏溧庠生馬龍圖妻年二十五夫亡子泰方七歲王矢

通志 卷之八 列女 四
志守節孝庶姑育遺孤辛苦備嘗終身一日教泰績學
勵行爲名諸生知縣魏之幹給額旌獎萬歷三十五年
卒年七十三知縣艾友芝申請巡撫以貞節旌其門又
爲文祭之文載藝文志

汪門雙節徐氏謝氏皆萬歷丙戌進士副使岑應春妾也
應春初娶于陳無出又娶于王生子光緒陳王俱先卒
應春歿時徐與謝皆年少光緒亦在弱齡徐謝矢志撫
孤視如己出守節三十餘年教養成立崇禎癸酉光緒
舉孝廉歷官監司苑馬寺卿徐謝乃出家譜示光緒曰
汝父本姓汪臨終猶以不復姓爲恨今汝貴當成父志

光緒呈于提學御史左光斗上聞下禮部議尙書林堯
俞議云徐氏謝氏分忝綠衣志堅白首痛夫早逝厲苦
節于卅年督子歸宗復本源于一旦閨閣旣罕媵妾尤
稀詔准復姓旌其居曰一門雙節

林氏州廩生劉杞芳妻年二十夫歿止一女林誓欲絕粒
死恐傷兩世舅姑心猶于家人進食時匿少許作食狀
越五日憊甚姑察其故抱女勸解之林泣曰婦將從夫
且不獲終事堂上奚惜此呱呱爲守夫柩旁絕食二十
一日死巡按御史聞于朝建坊旌表州人御史馬經綸
撰墓碑碑文載藝文志

賈氏州庠生郭登科妻登科早卒賈欲死殉因遺腹未娩
冀舉子以延夫後及產女遂自縊柩側詔建坊旌表題
曰千古流芳

華氏州庠生陸大經妻萬歷三十八年夫歿無子華慟曰
何以生爲絕粒九日死詔建坊旌表

馬氏州人戶部尙書李三才妾三才卒氏絕食十二日死
于喪次時天啟四年二月也四月又有李家灣諸生呂
完聲妻陳氏

陳氏州庠生呂完聲妻完聲疾亟集族人計後事族人畢
至以陳在側不卽言陳心知其爲己也出戶外完聲告

族人曰我旦夕且死婦少無子我不忍其孀獨語未竟
陳遽入問適語云何夫不應陳曰我耳之矣請自今君
一飯妾亦一飯君不食妾亦不食與君俱耳未幾夫卒
陳不食十四日死于夫之柩側太常彭端吾聞而歎曰
不三月間而有兩烈婦古云燕趙多慷慨奇節知不獨
丈夫然也以其事聞于巡按御史彭鵬化奏旌其門
王門雙節胡氏州人王化浹妻徐氏化浹子謙德妻也胡
年十六歸于王二十三生子謙德甫三月而化浹歿胡
哀號絕粒舉家勸之曰此呱呱兒何以自活願少忍撫
之孤存卽夫存也乃勉進飲食撫孤自任謙德稍長教

以力學二十補諸生爲娶婦徐氏未幾謙德又夭遺孤在襁褓中胡偕婦徐養孤孫以繼夫祀兩世孀居同心茶槩胡苦節六十五年卒年八十七徐亦以苦節終其身崇禎間督學吳道昌奏旌其門

張氏州庠生王大治妻年二十七夫治卒子立極甫生張自矢于夫之靈曰願佑此三尺孤以延王氏嗣且願未亡人他日得歸骨王氏先壠吾志畢矣守節教子四十二年卒年六十八崇禎間兵備道王鰲永額旌曰節慈裕後知州楊聯芳額旌曰白首孤燈

劉氏州人王賁德妻年十七于歸十九夫亡誓以死殉時有遺娠兩月家人解之曰倘天不絕王氏幸而生男則祖宗一脈於是乎在殉夫死不若延夫祀也強舉餽粥後果生男凱撫之成立補諸生劉乃慨然嘆曰今而後可見夫於地下矣以哀恸卒

王氏州人吳濟妻守志事蹟舊志失考仍存之以免湮沒王氏州庠生馬夢龍妻年二十九夫亡子應圖甫六歲王苦節撫育比長延師課其業補諸生以善醫官太醫院吏目遷上林苑監丞崇禎七年王贈孺人

舊志無今補

彭氏州人龍時化妻年二十二夫亡矢志守節教子命保成立補諸生苦節四十一年卒年六十二

張氏州人無錫教諭龍起化妾起化任無錫以身率士卓有賢聲學宮子弟勒碑頌之曰清直謙厚崇禎十六年遷國子監學正時州境大疫起化及妻袁子庠生命相命佐輩內外三十餘人俱死僅存張與兩幼子命延命錫張年甫二十四矢志守節撫孤二子雖非已出教養備至命延補諸生早卒命錫廩貢生命錫子灃亦補諸生龍氏一綫張實存之卒年六十戶部郎中宋之儒額旌曰閩內伊周知州于成龍額旌曰栢舟雅操楊門三節馬氏蔡氏雷氏皆州人吏部尚書楊行中孫婦泗水令鎬子婦也馬氏州人御史經綸第三女讀書通

大義歸鎬第三子庠生世昌馬年二十三世昌卒撫子辰生十五歲天乃誦佛書茹素終身嘗曰吾每觀儒書不入觀佛書則入以所歷皆苦境故也知州楊聯芳旌曰栢舟賢節 國朝順治十二年卒年七十五守節五

十三年蔡氏州人刑部郎成已長女歸鎬第四子庠生世喬夫卒將以死殉家人慰解不從鎬五子世顯曰嫂賢如此聽其死則不忍無子勸 之死耳會鎬六子世法妻許氏歿遺子嶽生在襁褓世顯乃語弟世法舉以畀蔡曰今有子嫂可勿死矣蔡遂撫之如已出嶽生既長改名宏補諸生崇禎十年蔡卒年五十守節二

十八年宏將爲主喪鎬次子世揚不許曰宏爲世法長子禮不得爲他人嗣弟世喬非宗子又不當立嗣竟奪氏所遺產以自殖後宏改名舟 國朝康熙乙酉登賢書雷氏州人五臺令應科季女歸鎬第五子庠生世顯世顯天性孝友多才能善論事理仲兄世揚與語每心憚其公正早卒雷年二十九撫子宗教之成立治家嚴謹操持有丈夫槩門內外肅寂無語諍聲 國朝康熙六年卒年七十一守節四十三年子宗補諸生後改名宗最循謹蓋遵母教云

翁氏州人徐九德妻居張家灣崇禎己巳張灣城陷九德被難翁匿神龕中自縊死

趙氏州庠生丁大志妻居張家灣崇禎己巳張灣城陷所生女被掠趙往奪之手指盡砍落遂被殺

張氏州人袁希點妻居張家灣聞城將陷先令三女俱縊旋自縊死

金氏鄆人常希文妻崇禎己巳鄆城陷被執挾之上馬金見道旁有井躍入井中身被三天而死時年十九

周氏鄆人翟光國妻崇禎己巳遇兵逼使上馬堅不從被殺時年二十一

潘氏州人守備李永達妻廣平府教授涵母也姑病胃不

能飲食潘乳之一載侍奉湯藥朝夕不怠歷三年如一
日姑病愈潘積勞成疾崇禎三年卒年三十六親黨以
孝婦稱之

張門雙節陳氏州廩生張一龍妻馬氏一龍子元珍妻也
陳年二十七一龍卒子元珍尚幼陳矢志守節教誨成
立爲娶婦馬氏元珍中崇禎壬午舉人官山西忻州知
州尋卒陳偕子婦馬撫孤孫起敬讀書補諸生陳卒年
九十餘馬與姑同操且事姑以孝聞 國朝康熙初守
道錢世清旌曰一門孝節知州甯完福旌曰雙節流芳
高氏州人李茂齡妻夫亡絕粒七日自縊柩前崇禎十三

年兵備道羅國華重其節委官致祭 國朝順治元年

知州李廷梅贈額曰貞烈可嘉

支氏州人山西布政使唐嗣美妻封夫人崇禎甲申流寇
陷都城嗣美殉難支率子婦九人同投井死

提氏直隸河間人刑部侍郎橋女州庠生魏繼標妻崇禎
甲申流寇陷都城繼標殉父藻德難提慟哭幾絕家人
勸之曰夫柩未返可遽死乎及翁與夫柩歸厝城外提
往哭欲留厝所自殉時土賊蠡起劫掠家人強之歸提
曰欲我歸當迎靈位於家朝夕得奠食也家人知其將
殉防護甚嚴提強言動如平時防者懈提詭病夜常數

起以誤衆人一夕跪縊于夫之靈前死年纔十九時六月十五日也越三日成殮伏暑中顏色如生兩膝終屈不伸其父聞之來省不哭曰此真提橋女矣家人舉其喪與繼標合葬先塋側

王氏州人崇禎丁卯舉人羅應星妻孝事舅姑年二十六夫亡矢志守節甲申以後家計日落備嘗艱苦教子宏鑿成立爲州廩生卒年七十三

王氏州庠生張鵬翮妻鵬翮遭流寇難慘被害王年二十六聞夫亡隨自縊家人救而蘇時子甫九歲家罄無所依王守困撫孤饑寒不易苦節四十五年卒年七十

趙氏州庠生王來試妻年二十七夫亡子幼貧不能舉火終不受里鄰饋苦節四十八年卒子道興能孝母孫廷弼廷貴廷璽廷諫俱成立曾孫十二人人謂節母之報任氏州人馬錦妻四歲失怙恃十六歸馬奩贈蕭然失愛于姑每爲妯娌所詬侮任悉順受之錦不善治生家益落錦卒子尚幼堅志撫孤崇禎壬午兄希尹舉於鄉迎養終身苦節垂五十年卒年七十三

章氏州貢生黃應甲祖母年三十餘夫亡矢志靡他治家整肅卒年七十一 國朝順治間知州于榮旌曰節壽

湯氏通州衛千戶孫如林妻年二十六夫亡遺子二女一

長德光甫六歲家貧衣食不繼湯矢志冰檠教養諸孤
及德光長襲世職次德久舉武鄉試湯年七十七疾革
呼二子曰爾記父喪後併日而食時乎吾幾十年撫爾
兄弟將以報爾父于地下今幸得成立可無憾也語竟
卒 國朝順治間督學程芳朝旌曰節凜冰霜

黃門四節柴氏州人黃承恩妻潘氏承恩弟婦大姑二姑
承恩在室妹居張灣崇禎甲申都城陷柴與潘及二室

女俱墜井死承恩于肇坤 國朝官廣東司戶 舊志無今補

黃氏州人指揮李應魁妻年二十八夫亡三子俱幼遭流
寇難家產畢罄以女工自給雖饑寒弗怨也教子成立

苦節三十四年卒孫鐸廩貢生鉞州庠生曾孫師沈師
必俱補諸生

王氏州人江南睢寧知縣楊若桐妾崇禎甲申若桐殉難
王年二十三痛不欲生時若桐妻先卒王念撫孤無人
乃忍死撫嫡出子士彥兆龍教養不啻所生家貧甚茶
檠自甘終身如一日苦節五十一年卒年七十三

胡門雙節翟氏州儒士胡宗禮妻王氏宗禮子州庠生國
政妻也宗禮卒遺孤國政翟苦節教養年十五補諸生
爲娶婦王氏生子其偉八歲國政旋歿王年二十七姑
婦同操撫孤補諸生翟卒年八十二王卒年七十三

林氏州儒士王世麟妻十九于歸二十二夫亡子宏緒甫生撫之成立繼姑卧疾八載奉侍不懈以孝聞

楊氏州人神武中衛指揮王鏗次孫起蛟妻楊居東鄉寨于歸後年二十五夫卒楊矢志靡他治家嚴肅守節四

十八年教養三子俱成立長永福中順治甲午副榜

李氏州人周文譽妻文譽貿易寶坻挈李以行崇禎丙子

城破李率子婦及女共六人俱投井死

舊志無今補

徐門雙節戴氏州人徐文煌妻孟氏以文煌子光裕妻也戴

年二十五文煌沒家貧值兵荒孟氏攜幼子光裕東西竄

避備歷艱辛光裕長為娶婦孟氏生子五光裕旋歿孟

年二十九撫五子履符等皆成立戴守節四十年

孟苦節與姑戴同享壽終

顧氏州人文思院副使張大經妻年二十八夫卒食貧守

節教子萬策補諸生卒年六十

沈氏鄆人任志伊妻年十八夫亡子銘鼎甫周歲沈苦志

守節教子食餼于庠以明經官景寧令 國朝順治十

六年沈卒年六十六有司旌之

陶氏州人都督顧凝命繼妻于歸二年夫卒無出前妻子

二麟祥豹祥在襁褓陶撫如所生家貧紡織給食子長

為婚娶麟祥豹祥俱早卒豹祥遺子俊七歲陶偕媳撫

之成立卒年七十八豹祥妻王守節詳後傳舊志無今補

李氏州人馬萬全妻崇禎末李年二十六夫亡姑老子德

裕甫二歲家極貧李矢志堅守事姑吳以孝聞教子成

立苦節享大壽終 國朝康熙間知州吳存禮旌曰栢

舟矢志

某氏州庠生賈以祿妻崇禎甲申以祿不為流賊屈曉妻

大義妻喻其意飲藥未絕復自經舊志無今補

國朝

王氏州庠生朱純妻年二十五夫亡太姑尚存舅姑有痼

疾三女幼王矢志守節奉兩世以孝及歿喪葬盡禮教

女嚴肅字皆得所苦節五十餘年卒年八十一舊志無今補

黃氏州庠生華國繼妻年十三于歸國年老嗜酒家益落

甚或不能舉火黃甘之國多疾黃日夕侍奉不衰國嘗

醉語人曰吾婦有丈夫氣吾死必與吾同歸一夕國中

酒歸疾大作翼日卒黃慟曰天平侍君七年蓋早暮憂

懼也今果舍我逝矣遂絕粒卧柩旁十四日死年纔十

九知州胡朝賓往省其喪為下拜順治六年葬城西觀

音寺西北數武後因築道墓沒入道中

吳氏州人黃雲瑞妻于歸後孝事舅姑持家嚴謹年二十

九夫歿矢志守節教養二子俱成立長金函補諸生次

金章授守禦所長孫士輝舉康熙辛卯武鄉試苦節垂五十年卒年七十八舊志無今補

閭門雙節杜氏張氏皆湖廣常德府知府閆拱宸婦也順

治初拱宸任常德兵變沉江死杜年二十有子名然張

年十九無出杜張攜孤歸同心堅守紡績佐食課子讀

書然既補諸生終坐貧窘杜張茹長齋終身張中年失

明逾困頓苦節皆五十餘年卒年俱七十餘康熙間知

州王光謨旌曰清節同標舊志無今補

莫氏州人于繼倫妻居張灣順治四年夫亡家無擔儲遺

孤三皆幼莫食貧撫之俱克成立守道蔣龍光旌曰荻

丸貞行知州劉應時旌曰母道女宗

王氏州人順治乙酉舉人公擢女順治戊戌武進士雷森

妻森登第授辰州守備未抵任以疾歸王侍奉調護者

數年病益篤呼天請代卒不起王亦欲死父兄慰之曰

以死殉夫烈矣其若子女何始進勺水家貧不自給寄

食母家教撫子女備嘗艱苦以終其身

朱氏州人游擊光煥女順治辛丑武進士馬柄妻于歸後

奉孀姑至孝年二十六柄卒誓從夫死勺水不入口者

數日子二長騏六歲次士襄尙在襁褓戚黨以撫孤勸

始進飲食竭力課子艱苦備嘗守節三十五年卒騏授

府通判士襄授主簿

劉門節孝楊氏州人劉允瑞母侯氏允瑞妻也順治初允

瑞幼孤楊苦節撫之既長為娶婦侯氏侯克盡婦道姑

病篤思羹侯割肉治湯以進姑嘗之立愈人謂節母孝

婦感應如此知州甯完福旌曰一門節孝

董氏州人楊文煥妻順治間年二十四夫歿子于陞六歲

孤苦無依紡績自給教子力學補諸生苦節三十七年

卒年六十孫繼祖授州同曾孫溥州庠生

張氏州人李騰祥妻騰祥家故貧客遠方死時張年二

十七夫骸骨歸一慟幾絕遺孤二長國福八歲次國斌

甫周歲張以女紅自給立志撫孤夫弟備極凌辱絕飲

食以逼改適張惟閉門飲泣誓死不易苦節四十餘年

卒年七十知州吳存禮旌曰節苦貞全

賈氏州人郝桂茂妻年十四歸郝十五夫亡撫遺腹子志

秀織紡自給教以成立苦節享壽終督學顧藻知州王

光謨俱額旌之

李氏州人營卒康虎妻虎弟素頑劣無賴每欲調其嫂李

嚴拒之清明墓祭歸虎中途他往獨其弟隨李至家持

刀逼污李不屈被殺事發官以其弟伏法

李氏州人孫光繼妻年二十八夫亡撫前室子紹先教誨

成立苦節四十餘年卒年七十五督學顧藻知州王光
謨俱額旌之

伯氏明錦衣衛千戶世感女 國朝州庠生杜芳華妻子
歸後夫久病伯侍奉湯藥不懈年二十八夫亡哀毀誓
殉家人勸曰舅姑老二子幼若死奈俯仰何且有遺娠
苟生男又多延杜氏一脉也越八日果生男伯矢志撫
孤教誨成立事舅姑盡孝養生送死悉中禮守節四十
餘年卒年七十三長子馥廩生次馨廩貢生季馥卽遺
腹子州庠生

袁氏州人田大發妻年二十二夫歿遺腹舉一子袁志在
撫孤家雖極貧茶棨自勵教子泓克底成立苦節三十
九年卒年六十

郭氏州人田繼武妻千總一元母年二十三夫歿子二俱
幼有遺娠越六月生子一夔家貧甚郭甘心茹苦撫三
子成立守節五十餘年卒年七十餘

金氏州人傅應科妻子歸後夫病八年侍奉弗怠金年二
十九夫歿子八歲食貧撫孤教之成立守節享壽終知
州吳存禮旌曰義高彤史

劉氏州庠生徐貞勸妻年三十夫亡劉代夫完子職撫遺
孤二教養成立子通國子生事劉亦以孝著劉苦節享

大壽終知州王光謨旌曰栢操松齡吳存禮旌曰純孝
完節

李氏州庠生張耀祖妻年十六歸張十九夫亡矢志守節
教子祐讀書勵行長食餼于庠苦節二十七年臨終謂
祐曰吾今可見汝父矣汝宜益奮志以振家聲卒年四
十五

周氏州人高敏政妻年二十三夫亡幾絕粒死以姑在子
幼不敢殉奉姑色養兼至教二子俱讀書成立姑疾侍
奉湯藥晨昏不懈姑歿哀毀過甚逾年卒守節三十餘
年長子嵩國子生次崗以明經授訓導

汪氏江南徽州士人大保季女按察使吳允昇繼妻允昇
自徽徙于通汪年二十夫卒無出撫前室諸子如所生
教養備至持家有大體區畫井然季子光豫官湖南攸
縣令奉汪盡孝有傳載孝義中光豫卒汪又撫孤孫峰
成立鞠育兩世心力俱殫享大壽終從夫爵封淑人
劉氏州人黃鼎新妻居宏仁橋姑楊病篤醫者謂無生理
劉焚香籲天剖股進之痼疾頓瘳人謂其誠孝所感

王氏州人顧豹祥妻年二十六夫亡有欲奪其志者王泣
曰吾姑苦節守吾夫成立已七旬矣吾有子七歲獨不
能效吾姑乎誓不再適奉孀姑極孝以女紅佐菽水子

俊就外傳日積錢數文以儲修儀終身荼苦坦然甘之

舊志無
今補

王氏州人馬從善妻年二十九夫亡矢志守節撫四子宏

仁昇夢魁夢元俱敦孝友昇載孝義中王苦節垂六十

年卒年八十七孫有德早亡孫婦守節詳後傳舊志誤
今改正

李氏州人張三才妻夫亡堅守訓課孤子成立苦節五十

餘年卒年八十四知州靳讓旌曰節壽流芳舊志無
今補

王氏州人謝立賓妻立賓貧不自給偕王寄食于叔文周

家文周以貲付立賓貿易粵西王年二十六子二女三

長崑甫二歲次岳夫出後逾月生立賓既行久之絕耗

愛以娛其親女玠亦通詩書字士人吳峰彭每訓其子

女曰行險求裕不如任誠無為閨中學識類如此康熙

二十八年旌表八一統志

李氏州人趙應昌妻年二十七夫亡孤苦無依誓甘荼檠

苦節享大壽終舊志無
今補

馬氏州人馬有德妻年二十五夫亡矢志守節三十餘年

卒按馬氏與有德同
姓今無考仍舊志

胡氏州貢生田易妻年三十夫亡有遺娠禱於天願得子

續宗祀逾月果生男植姑老多疾胡曲盡孝養持齋十

餘年冀延姑壽教子寬嚴有法長補諸生食廩餼學問

博洽人爭師之胡守節五十年卒年七十九知州靳讓
旌曰節孝可風舊志無
今補

李氏州人耿進銀妻居東石里年二十九夫亡矢志守節
事堂上以孝治家整肅有法卒年八十六舊志無
今補

周氏州人季國樑妻年三十夫亡遺二子琬祿俱幼家貧
以紡績易食撫孤成立艱苦備嘗卒年八十二子宛授

州同舊志無
今補

趙氏州庠生馮盛治妻年二十九夫亡遺孤在懷抱中夫
有幼弟亦未成立趙矢志守節家貧女紅佐薪水教夫
弟及己子備竭心力苦節四十六年卒年七十四後馮

子姓蕃衍實趙守節撫孤之力云舊志無
今補

康氏名流著州人武寧女許字州人張經畿輔通
志作京經父素

豐裕後家于京漸貧幾不自給康父兄聞之謀悔婚康

持大義甚堅乃止經計至康易素服泣請于母曰兒聞

古之女子有未嫁爲夫守義者後世以爲賢兒身雖未

歸許張久矣願母載兒從夫喪父兄駭斥其狂且恐身

殉防護甚謹康釋素服言動如平時防者懈一夕閉戶

焚所製巾帶綦履素服自縊死時年二十一戚黨議當

偕夫葬康父乃携女喪至京歸張氏康熙三十一年與

經合葬于郭西白石橋京師士大夫重其節賦詩弔之

郭秀著康烈女傳巡撫郭世隆旌曰烈壯山河守道邵
 嗣堯旌曰未識夫面欲殉夫亡從容就義日月爭光知
 州王光謨旌曰生無一夕之歡非耽于情也夫家貧無
 立錐非慕其富也父母愛養非迫于勢也生于市井非
 嫻于教也乃從容以死毫無瞻顧真女子而烈丈夫矣
 給額曰千古完貞

舊志傳太畧今考畿輔通志郭秀所撰傳增正

金氏州人無極教諭彭爾齡妻爾齡少貧困或勸其逐末
 治生金于歸後以讀書勵之勉持家相夫稱善爾齡
 病篤已不治金禱於天願減已算二十年益夫復剖股
 肉以進病尋愈後爾齡官學博歸卒果二十年人謂金

至誠格天之驗後嗣皆能以詩書世其家

馬氏州人洪應元妻居張灣年未二十夫亡馬持身嚴肅
 治家有法守節三十餘年卒年五十一督學朱阜旌曰
 操同冰潔知州王光謨吳存禮俱額旌

王門節孝某氏州人王永爵母羅氏永爵妻也永爵少孤
 母守節撫養永爵事之以孝著有傳載孝義中婦羅氏
 孝姑能竭心力知州吳存禮旌羅曰女中曾閔

舊志失載其姑

今增正

李氏州人某妻居靛莊年二十三夫亡舉遺腹子撫孤延
 夫祀苦節歷幾十年子克成立李年至八旬

舊志無今補

陸氏州人董守義妻年二十五夫亡時遺孤產四十日家貧不自給陸誓甘荼檠教子成立辛苦備嘗享年八旬子亦以善養稱舊志無今補

田氏州人王紀有妻居東石村年二十八夫亡遺子二俱幼家貧甚田矢志撫孤教之成立苦節幾十年如一日

享大壽終

舊志無今補

王氏州人齊應輔妻夫亡守節署知州陳廷栢旌曰栢舟自矢

陳氏州人周崇禮妻夫亡守節署知州陳廷栢旌曰一門節孝

李氏州人穆奎龍妻夫亡守節孝事堂上撫遺腹子繼宗成立以延夫祀知州吳存禮旌曰純孝完貞

石氏州人張某妻割股療鼻疾知州王光謨旌曰婦孝格天

陳氏州人羅朝樑妻割股療夫疾知州王光謨旌曰天心誠感

崔氏州人王信善妻割股療夫疾知州王光謨旌曰懿範可風

茅氏州人錢起龍妻割股療親疾知州吳存禮旌曰惇孝性成

王氏州人王有道妻割股療夫疾知州王光謨旌曰志切所天

按王氏與有道同姓今無考仍舊志

崔氏州儒士李懋林妻居張灣年二十一夫亡家貧子三天彩天實天或俱幼崔將殉族黨勸日子幼舅姑與夫喪未葬賢婦責也乃忍死措喪葬事悉中禮家益落女紅佐食撫三子既長經營四方能養其母崔終以未讀書為憾課諸孫力學季孫涓補諸生有文譽崔年七十除夕謂子孫曰吾事畢矣汝曹宜益自振拔毋怠是夕卒署知州陳廷栢旌曰志凜冰霜

舊志傳太畧今查增

教氏州人姚起鳳妻年三十夫亡家貧甚子謙方數歲起

鳳寡親族身後孀孤絕無倚賴教立志苦守教子成立後以一命榮其親孫永齡能孝養人謂節母之報教享大年終

以下舊志俱無或考畿輔通志或探知州黃成章編載及現在查案并採訪確實者列為傳

谷氏州庠武生羅宏堇妻宏堇世科第而貧及卒子無所遺谷年尚少殫力撫孤以針黹給饘粥教子成立苦節四十餘年卒

王氏州人崔一鴻妻年二十九夫卒無子王立志守節以夫從子為後撫之成立苦節終身

馬氏州人吳邦彥妻年二十五夫卒家貧子二俱幼馬苦守撫孤迨長能自食其力以成家孫周補諸生馬卒年

六十四知州王之琦旌曰克盡坤儀

陳氏州人王福海妻爲隣惡王老漢子逼污不從被殺康

熙五十三年旌表

焦氏州人王良弼妻居張灣年十三歸于王年二十四夫

沒子宏達甫周晬以藐孤無依不敢身殉父母欲奪其

志寧死不改節姊復力勸之曰呱呱幼兒可冀其成立

耶宜三思毋後悔焦從容答曰孤若亡吾亦亡耳姊慚

退子稍長延師教之日以敦品行相督宏達補武生踰

年焦卒年四十八宏達舉康熙甲午武鄉試

劉氏州人董居正妻居張灣年二十餘夫亡無子誓不改

適後螟蛉一孫相守苦節四十年卒年六十餘

楊氏州人夏景科妻年三十餘夫亡苦節五十餘年卒年

八十七

蔡氏州人李天華妻居張灣年三十夫亡無子遺一女天

華終鮮兄弟孤寡無所託蔡誓不以貧易志族黨高其

節贍養之且爲其女擇配令與蔡相依蔡茹齋奉佛以

終其身卒年七十餘

王氏州人柳應科妻居張灣夫亡家貧甚子女俱幼王備

歷艱苦撫育成立卒年八十

張氏州人王于埕妻居河東朱家店年二十夫亡舅姑在

堂張侍奉極誠孝教子承意自襁褓至成立嚴慈交盡苦節三十餘年康熙五十九年旌表

李氏州人耿進金妻年三十二夫歿無子李矢志堅守備歷諸艱後撫夫從孫鉞為孫教養成立補諸生守節六十年卒年九十一

陳氏州庠生張煒妻年二十九煒遭地震歿屋盡傾衣食不給遺孤在襁褓中有勸改適者陳以大義拒之或有饋遺輒屏不受歷饑寒勵冰檠撫孤成立苦節四十三
年卒年七十一

康氏州庠生黃雲圖妻年二十八夫亡以舅姑俱暮年不敢殉侍奉甘旨如夫存時舅姑歿喪葬悉中禮苦節三十三年卒年六十

郭氏州人劉清源妻年二十九夫亡老姑在堂子三長十歲次六歲三未周郭竭力奉姑色養兼至姑歿哀毀中經營喪葬罔不盡禮族黨咸稱其孝延師課子督訓不懈仲子宏志早年補諸生有文譽郭苦節四十二年卒年七十

李氏州庠生馬雲錦妻畿輔通志馬作馮誤年三十二夫亡家貧舅

老無宗黨可依子成龍生甫八月李紡績易食以奉舅生養死葬心力交瘁撫子成立宗祀賴存苦節四十五

年卒年七十六知州靳讓旌曰閨中正氣

楊氏州人某妻居北關村年十四夫出不歸繼母逼改嫁不從凌辱殆遍終以死誓垂三十年夫歸完聚如故州人庶吉士朱綸立楊節婦傳

張氏州人馬德坤妻年二十五夫亡遺娠五月張慟哭自誓曰倘生男願撫之以續馬氏後生女未亡人死耳果生子張操作辛勤撫養成立苦節享壽終

任氏州貢生孚尹女蘇起龍妻年十九歸于蘇二十八夫亡子三女二俱幼家故儒素幾不自給任矢志守節食貧撫孤夫喪不能葬日夕飲泣子既長孟雲季霈俱服

賈仲雨補諸生能文善書任乃命三子速舉父喪葬之日憑棺哭曰今而後先靈妥矣任一生婚嫁子女心力俱瘁苦節四十五年卒年七十二

李氏州人四衛運丁崔時茂妻年二十八時茂以父喪哀毀卒姑老遺孤二長大成六齡次大任生甫六月李以養姑育子爲己責家極貧日夕勤紡績事針黹佐易薪水有勸改適者泣曰吾生爲崔氏婦死爲崔氏鬼將焉適耶姑歿喪葬盡禮教二子克成立李一生備歷困境或日不再食嚴冬衣單袂終無怨言年八十餘卒知州黃成章旌曰栢節松齡

姜氏州庠生龔熿妻

畿輔通志
熿作黃

讀書通大義于歸後侍夫

疾心力俱瘁年二十九夫亡哀毀絕粒將殉以舅高年子幼從親黨勸忍死守節代夫盡子職生養死葬無失禮撫子召遊成立親為教督以醫著于時年七十餘子與媳相繼歿孫女一未字孫大任甫數歲家極貧以所居賃租給食與孫女及孫棲托片椽中困瘁益甚凡苦節六十餘年卒年九十餘初召遊與州人學博田元樞善臨終以子女託元樞如其言携大任于塾教誨甚切大任自塾歸姜口授醫卜諸書女則元樞為擇配于郭嘗迎姜往來其家迨姜歿大任始補諸生貧無所依依

其姊姊夫婦相繼歿大任力謀娶不幾妻又歿竟賁志終大任處竒窮能績學勵行身死無後士林惜之

史氏州人侯天培妻于歸一載夫亡越三日舉遺腹子史苦志堅守撫孤成立卒年七十知州黃成章旌曰古節

新旌

蘇氏州人朱建中妻年二十八夫亡無子遺女二家極貧蘇誓不再適携二女依母家守節三十一年卒年五十八知州王之琦旌曰操凜冰霜

劉氏州人蕭芷繼妻年二十七芷病篤劉晝夜哭泣誓與俱死芷曰家貧無子誠難然有二女若死誰為撫之芷

卒劉守遺命以女紅育二女及長一字王瑄一字黃金章劉苦節四十五年卒年七十一

柯氏州人灤州訓導楊文蔚妻年十八于歸事舅姑盡孝文蔚素嬰弱疾迨司鐸灤州病益劇柯侍奉調護無間晨夕及卒柯年二十三以舅姑老子幼忍死守節事堂上生養死葬心力交瘁教子勤學爲講說經書大義早年補諸生旋天柯苦節三十一年卒年五十三雍正五年旌表

崔氏州人夏之節妻年三十二夫亡家貧子三俱幼崔矢志撫孤甘心荼苦教子成立爲之婚娶晚年謂諸婦曰

昔遭汝舅變卽欲身殉憶吾父嘗云烈女難守節更難故忍死撫孤耳知州靳讓旌曰女有士行

劉氏浙江山陰文學胡利溥妻寄籍州人川隣母年十九于歸甫一載利溥以好黃老術入終南不返遺娠生子

川隣劉貧無所依茹荼飲檠課子成立川隣工文章翰墨見重于時後奉母來通遂寄州籍劉苦節享高壽終王氏州庠生耿宗湯妻居鄆邑王年三十夫亡矢志守節治家肅然耿有族婿呂哲素叵測適土賊橫于鄉哲煽惑其黨劫耿家莊縛宗湯弟宗孔及諸姪等將加刃舉家驚匿王獨不避以大義曉賊賊知墮哲計釋縛而退

哲叔茂奇與哲同惡嘗囑盜誣宗孔下獄詎王曰付我五百金可脫汝叔王識其詐佯應曰善須開明所需各項乃可與姪商耳遂獲茂奇字據命侄如標赴巡按白冤獄始雪盜伏法茂奇亦獲罪王之以節兼才如此張氏州人某女密雲人杜本榮妻年十九夫亡苦節三十餘年雍正六年旌表

田氏州廩生郭金甌繼妻年十六歸于郭二十三夫卒子汝舟七歲女三歲田素明大義矢志撫孤值地震舍宇盡圮菽水難給偕子女熒熒以存不易其操汝舟稍長課讀甚嚴十八補諸生旋食餼學行著于時悉母教所

成就女字武舉謝錫綸田苦節三十五年卒年五十七

陶氏州人賈文選畿輔通志選作魁誤妻年二十七夫亡遺子六歲

陶堅志守節撫孤成人操井曰勤紡織終身如一日子

詩國子生知州黃成章額旌之

王門雙節徐氏州人王德粹妻陳氏德粹弟德溥妻徐歸

德粹五年二十五夫亡陳歸德溥四年二十九夫亡俱

無子娣姒同心誓不改適守節以終其身徐卒年五十

二陳卒年五十一知州黃成章旌曰一門雙節

馬氏州人張仲祥妻年二十四夫歿無子遺女一馬立志

守節歷幾十年茶檠自勵知州黃成章旌曰苦操勁節

陳門雙節馮氏州人某女密雲人陳啟亨繼妻夫亡前妻遺子琦五歲馮撫之成立爲娶婦王氏王年二十一琦又天姑婦相依同甘荼檠馮守節三十餘年卒雍正七年旌表王守節二十七年卒雍正十一年旌表

裴氏州人倪煜妻年三十夫亡矢志堅守撫孤世基成立苦節終身知州黃成章旌曰節義兼全

洪氏州人馬斐妻年十八于歸二十九夫亡家貧姑老遺子羲瑞八歲洪矢志守節日夜勤紡績針黹以佐菽水姑歿經營殯葬貧不廢禮教子力學每自塾歸一燈課讀不輟羲瑞年十八補諸生旋食餼貢成均洪處困勵

貞凡五十一年卒年七十九雍正十三年旌表

孔氏州廩生潘淑妻年二十九夫亡姑老子幼孔身任之事姑養生送死悉本於誠舅姑與夫喪未葬復卜吉地以安窀穸教子成立能孝謹孔苦節壽終

黃氏州人高起麟妻年二十七夫亡無子女家貧甚族人勸之嫁黃以死誓針黹易食或浣衣受直無怨也有欲爲父娶作繼室者使媒通黃叱絕之卒年四十四族人高其節舉喪與起麟合葬

高門雙節蘇氏州國子生高嶙繼妻馬氏嶙子鈞妻也蘇年十七歸于高十九嶙卒一女在襁褓蘇立志守節以

前妻所出子鈞已十歲可冀成立殫心教養長爲娶婦
馬氏舉孫兩月鈞又歿蘇偕子婦馬同志撫孤自懷抱
至成人皆姑婦所教育云

陳氏州人劉邦卿妻年二十一夫亡遺子儼尙幼陳矢志
守節撫孤旣長業于耕陳苦節終身

李氏州人安州訓導何湛妻年十五于歸舅憲曾姑馮俱
在堂奉事孝謹舅歿佐夫哀禮兼盡湛司鐸安州旋卒
李年二十九痛哭絕食戚黨以姑老子幼勸乃不敢殉
經營夫身後事必誠必信家故儒素力勤女紅佐食事
孀姑幾三十年飲食寒煖必身侍之姑年八十餘見其

白髮服勞嘆爲孝婦姑歿哀禮如喪舅時教子元正自
七歲以至成立晨夕督課不怠甫冠補諸生李苦節三
十二年卒年六十乾隆七年 旌表

鄭氏州人王朝相妻居張灣年三十餘夫亡子二俱幼鄭
矢志從一苦守垂四十年教養其子成立卒年七十
李氏州庠生魏廷璜妻年二十六夫亡家貧子幼李撫孤
成立窮困甘之苦節幾十年卒

杜氏州人李某妻事母以孝著夫亡苦志守節三十餘年
里黨稱之無間言

李氏州人韓瑾妻年十八夫亡志不可奪苦節幾十年卒

張氏州人馬上瀛妻年十五于歸上瀛市牛乳為業家畜牛覓工取乳張以工直多費手習之相夫儉勤類如此二十一夫亡子二長呈祥五歲次呈瑞甫周歲張矢志不二仍夫業以撫孤積十餘年家漸裕為二子娶婦生四孫冢婦更以賢孝著張守節三十八年卒年五十八馬氏州儒士李本固妻年三十餘夫亡無子女馬誓不改適苦節三十餘年卒年六十八

鮑氏州人楊國隆妻年二十夫亡無子姑在堂女幼或勸改適鮑曰婦人不事二姓有孀姑幼女在不敢死耳家貧以紙糊器易食奉姑色養備至姑歿年八十餘經營喪葬罔不中禮女長已字天鮑子身事姑三十五載州人嘆為苦節純孝

李氏州人馬秉義妻年二十七夫亡矢志守節撫子承祧性嚴謹親黨罕見其面苦節四十年卒年六十六

李氏州人康永祿妻年三十餘夫亡無子遺二女李食貧堅守針紉自給偕二女惇惇一室不履戶外女長俱字人次女適劉早寡守節詳後傳李苦節四十餘年卒年七十四

康氏州人劉成德妻年二十夫亡子一女一俱幼成德家故貧身後子無所依康誓不易志居一椽中十指自給

衣食恒缺乏撫孤長大心力俱瘁人謂康母李本苦節
康實不愧母教者

陳氏州人方某妻年三十三夫亡家貧子幼陳矢志撫孤
甘守窮困教子職成立苦節幾十年卒

張氏州人徐孝妻早歲夫亡遺腹舉一子家極貧張誓不
改適以浣衣捻線自給時至凍餒撫子長大備歷艱辛
苦節幾十年卒

王氏州人劉懷聖妻以孝行著年二十九夫亡食貧苦志
守節終身

鍾氏州人王有德妻夫亡苦志守節茶爨終身卒年八十

四

趙氏州人劉養志妻年二十九夫亡遺二子俱幼家貧趙
以針工謀生撫孤成立苦節三十餘年卒

顧氏州人馮守銀妻夫亡堅守兼以孝著苦節三十餘年
卒

傅氏州人張文翰妻年二十六夫亡遺腹舉一子家貧甚
紡織自給教養孤子成立苦節三十餘年卒

于氏州人張國柱妻年二十二夫亡子甫三歲于志切撫
孤備嘗艱苦子果成立苦節三十餘年卒知州黃成章
旌曰節孝公評

尚氏州人李永福妻于歸後孝事舅姑姑病日夕侍湯藥
及卒相夫哀禮兼盡年三十五夫亡舅年垂七十子五
俱未成立家又貧尚以女紅謀甘旨及諸孤衣食舅卒
不以貧廢禮教諸子次第成就家稍給支亦蕃衍康熙
六十一年卒年七十五知州黃成章旌曰古節新旌
戴氏州人楊純祖妻年十八于歸二十四夫亡姑老子幼
戴以仰事俯育爲己任奉姑克誠教子有法苦節享壽
而終知州黃成章旌曰節孝雙全

張氏州人王璘妻年十七夫歿姑老子甫周歲張矢志不
二事姑盡孝教養遺孤成立苦節四十餘年卒

田氏州人宗麟育妻年十五于歸善事舅姑姑嘗割股入藥
以愈姑疾當事旌曰賢孝二十九夫亡無子遺女三田
絕食者數日以姑老不敢殉奉姑生死以禮教女皆端
淑守節幾十年卒

周氏州廩監生燮女耿震暎

畿輔通志
暎作英

妻居滎邑周于歸

後事姑盡孝夫亡遺子五俱幼周勤紡績嚴課讀教諸
子次第成立居恒重一本誼祖母及父母兄妹六喪不
能舉爲卜兆葬之守節享壽而終

董氏州人杜如蘭妻于歸後事孀姑以孝著夫早亡家貧
甚董經營殯葬心力俱殫茹荼飲檠幾十年卒

袁氏州人前明舉人希賢孫女王振妻居張灣及笄于歸
事舅姑有孝行三十五夫亡遺一子二女子甫周歲家
貧無所依或勸改適袁以死誓二女相繼歿子既長猶
不自給振戚趙乾高其節資以薪水袁苦節終其身

李氏州人林森妻夫早亡遺子三雲鵬雲霄雲漢時仲季
俱幼李殫力教養三子皆成立雲鵬稟母教善訓兩弟
雲漢由武鼎甲歷官副總兵李受封享壽而終

陳氏州人湖廣安陸知縣王暉妾年二十九夫亡矢志守
節撫孤成立歷苦節三十八年卒年六十七子家琬家
琰俱諸生

李氏州國子生劉澤源妻夫早亡家極貧李備歷艱困撫
遺孤以終其身

王氏州庠生公法女武強教諭雷淳妻年二十九淳卒遺
一子元樾尚幼王矢志撫孤教養成立補諸生食餼王
苦節幾十年卒

陳氏州人延慶訓導呂捷妻年二十九夫亡姑在堂夫弟
尚幼遺女一陳立志守節奉姑以孝勗夫弟成立姑旌
歿哀禮兼盡夫弟擢由武舉官守備教女以禮法長字
武舉黃士輝陳苦節幾十年卒

李氏州人劉義惠妻居羊房村夫病侍奉湯藥寢食俱廢

夫亡經營殯葬悉盡禮遺孤甫六歲家貧無親族可倚
賴李以紡績易食殫心教子成立苦節幾十年卒

王氏州庠生公浩女宣化選貢生姚之益妻年二十二夫
卒苦志守節撫孤成人

李氏州人劉普妻年二十六夫亡無子女李誓不改適勞
勞苦守以終其身知州黃成章旌曰松節鶴齡

耿氏州人馬呈奇妻于歸後孝事舅姑呈奇南遊客死耿
聞訃將殉親黨以子幼勸乃矢志撫孤冰檠自勵歷幾
十年卒

劉氏州人馬文緯

畿輔通志
緯作煒

妻文緯幼失怙恃祖父母在

堂劉于歸後侍奉至孝文緯歿撫子之琳成立爲娶婦
旋相繼夭劉苦節幾十年卒

王氏州人馮滕公妻年二十餘夫亡姑老遺一子一女俱
幼姑曰婦年少家極貧將何以守王誓不易志日夜織
履易食奉姑已則糲糲皆不給子長力役受直以飯供
母王泣曰我十五年未嘗此矣命先薦父而後食苦節
幾十年卒

潘氏州貢生劉瓌妻年二十三夫亡舅姑俱在堂潘矢志
守節以婦代子歷幾十年人稱其孝

趙氏州人廣東鹽大使李寅妻夫早亡無子女趙矢志守

節茶燹自甘歷幾十年卒

楊氏州人居文傑妻夫亡苦志守節幾十年卒

金氏州國子生居文登幾輔通志缺文字妻夫亡苦志守節幾十

年卒

于氏州人居文印妻夫亡苦志守節三十五年卒

劉氏州人居文英妻夫亡苦志守節三十年卒

李氏州貢生授縣丞達女喬任妻年二十夫亡越兩月舉

遺腹子時姑已七旬家無次丁李守節事姑以誠孝著

姑歿經營殯葬俱盡禮撫孤成立心力交瘁知州黃成

章額旌之

通氏州人陳麟妻年二十五歸于陳未匝月麟卒通將以

身殉念太姑及舅姑俱在堂家貧無所依賴乃代夫養

親以女工謀菽水苦節幾十年卒

劉氏州人任大華妻居任家莊年十八夫亡無子矢志堅

守事舅姑以孝著嗣夫從子教之成立卒年八十二嗣

子能恭孫秉元俱諸生知州黃成章旌之曰節操堅白

郭氏州人田某妻夫早亡誓不改適撫子景魁成立苦節

三十年卒

范氏州人張繼宗妻年三十夫亡子幼范矢志撫孤子長

旋歿遺一孫范又撫之鞠育兩世苦節垂五十年卒

祝氏州人周鐸妻夫亡苦志守節撫子元標成立歷荼苦
幾十年卒

王氏州人陳治本妻年十八于歸閨八月夫亡王矢志從
一苦節以終其身

張氏州人陳士英妻夫亡苦志守節幾十年卒

何氏州人鐵嶺訓導師曾女州庠生洪世鎮妻于歸後善
事舅姑夫早亡舅亦棄養何奉繼姑以孝撫遺孤及諸

姪教養兼至歷艱苦幾十年卒

魏氏州人趙之琳妻年二十三夫亡遺子二俱幼家貧無
親戚助魏矢志堅守以針指謀薪水撫子成立苦節幾

十年卒

張氏州廩生袁府妻年十七于歸府已邁疾張侍奉湯藥
越七月餘夫卒時張年十八痛不欲生以孀姑邁年矢

志代夫盡養家貧女紅謀菽水姑歿哀禮兼盡撫夫從
子為嗣教養成立乾隆七年旌表時年六十二孫鏢

國子生

李氏州庠生劉炎繼妻居張灣年二十一于歸甫一載夫

亡舅姑在堂前妻遺四子俱幼家貧無所依李以仰事
俯育自任典簪珥勤女紅克盡孝養舅姑歿時家益困

經營殯葬罔不盡禮教育四子如已出既成立咸為婚

娶苦節幾十年卒

王氏州庠生紹唐女張元鑑妻幼侍父讀書識大義年二十三于歸事姑孝謹夫業農王克佐操作二十五元鑑歿遺子兆熊未周晬王哀毀欲殉以姑老無依矢志守節凡奉養必先意承志姑歿時家益貧典貸殯葬哀禮交盡撫子成立仍父業王至老猶操井臼課桑麻不倦遇豐收鄉里有匱乏者卽分贍之乾隆八年旌表時年七十

劉氏州人朝玉女庠生王巽妻年十九于歸事孀姑盡孝巽家貧授徒劉黽勉操作不怠二十九巽歿姑老子元

章甫四齡親黨鮮有倚賴劉仰事俯育一身肩之拮据養姑十五年姑嘗語人曰老年人無子而有子賢婦力也姑歿力措殯葬撫子元章稍長卽令入塾歸必叩其所課弱冠補諸生乾隆十年旌表時年六十二

陳氏州人朱國祥妻夫亡遺一子三女俱幼陳矢志靡他撫育子女兄陳光肇重其處貧守貞爲贍養之并婚嫁其子女陳守節幾十年卒

吳氏州人張應捷妻年二十夫亡舅姑在堂父將迎歸奪其志吳以死誓孝養舅姑生死盡禮苦節幾十年卒
梁氏州人張可稿妻夫亡苦志守節三十年卒

王氏州人馮嘉祥妻夫亡苦志守節四十餘年卒

楊氏州庠生唐裔典妻夫早亡遺三子俱幼楊矢志從一

守貞撫孤三子皆成立苦節四十餘年卒

梁氏州人方國棟妻于歸後事姑陸至孝姑病篤割股入

藥以進知州王之琦旌曰純孝忘軀

馬氏州人李時遇妻居張灣夫亡遺一女尚幼馬立志守

節夫姪成龍謀佔其產逼改嫁馬斷髮自矢成龍怙惡

不悛凌逼愈毒馬不得已自縊夫柩前死

按此曾有斷案今康熙年

間卷多毒爛莫考

張氏州庠生吳姬嗣妻夫亡無子苦志守節與夫弟庠生

姬緒妻喬氏同居食貧共處幾十年知州黃成章旌曰

苦節流芳

潘氏州庠生鉞女庠生戚世位妻年十八于歸孝事舅姑

夫卧疾盡出簪服易藥求治卒不起時潘年二十八

子桓甫三歲潘將殉姑及親黨慰解之乃力營夫喪葬

事極盡誠信家貧薪水不給惟十指是賴奉孀姑二十

餘年生養死葬無闕禮教子克自成立乾隆十二年

旌表時年七十一

柳氏州人沂州州同星耀女舉人錢澍妻年二十于歸克

循婦道相夫力學澍登康熙辛卯賢書越三載得瘵疾

柳晝夜奉湯藥或勸節勞柳曰夫存則存設不諱身與俱矣澍卒柳年二十八水漿不入口者五日誓殉于夫靈前娣姒謹防不得死夫兄溥以次子朝樞嗣勸柳撫孤延祀乃復進食朝樞方八歲柳教之讀書鞠育成立弱冠補諸生乾隆十三年旌表時年六十二

陶氏州人某女旗人周六哥妻夫亡慟不欲生念夫喪未舉亟卜地葬夫葬畢縊墓側死遠近皆嘆其節烈

龍氏州貢生命錫女陽湖主簿羅鏊妻幼讀書通大義于歸後事姑篤孝年二十八鏊得不治症龍夜禱于天割股和藥以進疾尋愈後鏊又嬰疾垂危龍願持長齋以

延夫算鏊果痊鏊初官定州訓導後改陽湖主簿家貧龍紡績佐之至老不懈乾隆二十七年卒年八十二

趙氏州貢生張泌妻于歸後事姑至孝姑病將不起趙沐浴叩天持刀割股絕而復蘇入藥以進姑果愈姑壽至九十終趙卒年五十八

王氏州人陳木匠妻家貧甚繼姑性嚴苛王曲盡誠敬無怨言姑患癆瀉疾臥牀三年夫傭于外王洗滌穢垢衣器侍奉不稍怠夫得直無幾王于侍疾時猶操力作以佐薪水久之姑亦知其孝有悔心州人公舉孝行知州王光謨給額旌之

楊閨姐

畿輔通志
閨作閨

州人侍郎正中女孫保安訓導某次女

天性孝友年七歲生母宋有宿疾每疾發即焚香告天

願以身代父年三十五始得子七歲患痘甚險閨姐禱

神乞借已算目不交睫者十一晝夜及殤一哭氣絕力

救始甦後生母產中卒閨姐號慟如成人絕飲食三日

淚乾氣盡而歿葬于州城南門外督學張題其塚曰孝

女墓

按正中子一名墳一名均曾有任保安訓
導者舊志科貢表內未書其官今亦無考

吳氏州舉人邦翰女貢生王家珮妻于歸後事舅姑盡孝

家珮攻苦得咯血疾劇甚吳禱于天願身代割肉和藥

以進尋愈舅宦安陸攜眷之任旋往攝隣邑篆有羣盜

入安署將行暴家人驚匿吳謂家珮曰家事小國帑重

君急詣郡守請捕乃自掖姑匿旁舍以免吳年三十三

卒張敘立傳子鎰詳鄉賢傳

王氏州國子生權女年十三許字宣化舉人魏之樞之樞

家貧力學登康熙乙酉賢書以王尚幼未請婚尋染疾

不起王欲侍母臨其喪母未許即以死自誓當事聞之

備輿蓋送歸于魏額獎曰栢舟永矢又置園田數十畝

贍其高節王既歸魏事舅姑盡孝親操井日不憚勞瘁

以夫從子嗣督課甚力補諸生王苦節幾十年卒州人

王鎰立傳

李氏寄籍州人童嶽妻嶽本浙之會稽人充州掾挈婦家于通李天性孝義年十三割股愈父疾十七歸于童姑病篤又割股以愈姑姑畏遠涉不能就嶽養以季子留浙李自甘粗糲積貲寄姑佐甘旨嶽爲掾無苟取家益貧旋得失血症已昏絕李剖脇取肝肉爲羹灌之李亦暈仆夫婦俱復甦嶽病尋愈次年李以肝疾發卒時康熙甲申夏也寄籍州人李徵淳撰李氏剖胸救夫傳

夏氏州人李之珩妻夫亡遺二子俱幼李食貧守節撫育遺孤歷幾十年卒

常氏州人夏某妻世泰母夫亡撫孤守節三十二年卒

劉氏州人艾成龍妻居張灣夫亡守節教子德臻成立卒年八十三

王氏州人李應春妻夫亡遺四子俱幼王矢志撫孤備嘗艱苦子有仁有義有智有信能稟母教篤友于終身不析爨王苦節四十餘年當事給額旌之

張氏州人武文炳妻有孝行嘗割股療親疾旣于歸夫病篤煎肌入藥以愈夫鄉里稱其賢孝

馬氏州人劉某妻于歸後夫病篤割股療夫年二十六夫亡遺一子尙幼馬矢志守貞撫孤成立苦節幾十年卒子起龍國子生

宋氏州國子生王萬春妻夫早亡孝事舅姑守貞教子苦節三十五年卒

嚴氏州人永定典史顧俊妻于歸後事太姑陶至孝隨夫宦閩中相夫服官多惠政夫卒于任民哀感之扶柩歸營葬盡禮教子以義方俾成立人謂母教之善云

王氏州人李天培妻事舅姑以孝著撫前室子教養成立享高壽終

張氏州人李某妻于歸後事孀姑以孝服食起居先意承志歷十餘年如一日教子琳能讀書補諸生

尹氏州人孫某妻夫亡苦志守節三十餘年卒

虞氏州人李天實妻早歲于歸事舅姑盡孝舉一子虞尋歿天實年方冠感其孝親終身不再娶子涓州庠生

李氏州庠生唐彬妻彬寒素李黽勉有無相夫事舅姑色養兼至教子以義方早成立鄉黨稱其賢孝

陳氏直隸文安世襲拜他喇布勒哈番良燦女州國子生張霽妻年十七于歸二十四夫亡矢志守節孝事孀姑克殫心力苦節幾十年卒

劉氏州人田某妻夫亡家貧苦志守節幾十年卒

鄭氏州人馬益亭家婢鄭本密雲人年八歲役于馬馬素饒裕後漸貧他婢盡去鄭獨留亦不求配馬幼子卧疾

通志卷之八十八
十餘年鄭百計覓藥救痊又爲人澣衣取直以贍其主
馬子婦久病有子不能撫鄭代撫之賴以成立事馬家
三代歷七十六載如一日居恒持已循謹雖耄年不失
主僕禮以處女終年八十四里人羣嘆其義

李氏州人茂榮女武生白烺繼妻年十九于歸二十三夫
歿姑年踰七旬子廷境二歲家極貧衣食罕繼李晝夜
勤女紅盡養嚴寒衣一單親族有助絮衣者仍奉諸姑
身處凍餒無怨姑歿力營殯葬訓子謹飭以業賈成立
州人稱爲奇窮苦節乾隆十五年旌表時年六十二
楊氏州人有德女庠生趙璞妻居鄆邑年二十于歸相夫

以恭敬著二十五夫歿家故貧遺孤國柱甫周睟楊哀
毀中經理殯葬無失禮以夫嗣爲重矢志守節教子旣
長入太學乾隆十七年題准遵照

欽定清標彤管匾額

旌表并准鑄姓氏于節孝碑設位入祠

載入州志時年六十二

蘇氏州人國泰女王允祚妻年十七于歸允祚家故貧母
以瞽廢蘇調護扶掖日夕不怠稍暇則操作井日勞苦
安之年二十三夫歿無子遺一女尙幼蘇痛姑無所依
忍死守節織紡易食曲慰姑憂事姑至八旬孝敬如一
日姑歿竭力營措喪葬撫女旣長適廩生張素學乾隆

十八年 旌表時年五十四

劉氏州貢生濬女庠生倪基聖妻年十七于歸二十七夫亡姑垂七旬子九歲基聖彌留時囑曰母老子幼匪異人任劉涕泣承命不敢身殉奉姑極誠孝生事死葬悉中禮撫子宗寬既長爲授室宗寬與子婦相繼夭復撫夫從子銘爲嗣教養成立乾隆二十年 旌表時年六十九

蘇氏州人華亭女張光祺妻年二十二于歸孝事舅姑克盡婦道二十九夫亡時姑毛在堂長子秉銑四歲次秉鈇夫故後九日生蘇矢志堅守以仰事俯育自任菽水

不給紡績易之姑賴以終天年撫二子稍長訓勉不倦並成立苦節三十三年卒年六十一乾隆二十二年題准遵照

欽定清標彤管匾額 旌表并准鑄姓氏于節孝碑設位入祠載入州志

趙貞女州庠生傑女許字庠生丁彙爲繼妻年十九未婚彙歿趙聞訃毀容奔喪誓以死殉舅姑泣慰之乃願終事堂上修婦道極孝謹凡生事死葬以迄歲時祭享貧不廢禮前室子方五齡趙撫之如已出旣長旋天瑩瑩一室中以終其身乾隆二十四年 旌表時年五十四

胡氏州人士琮女孫士俊妻性孝謹幼侍母疾不離側母病篤私飲泣惟恐母知家人異之年十九適士俊以不及事舅姑爲恨常設舅姑遺像事之如生士俊本寒素胡以女紅佐薪水夫患瘡疾百計求活瀕危禱天願代卒不起時胡年二十九遺子三俱幼立志撫孤不敢殉既經營夫殯葬後家益罄日夜勤針黹撫三子次第成立年六十以勞悴成疾三子延醫調治胡曰吾爲未亡人幸汝曹長大可見汝父于地下毋容藥也越數日卒苦節三十二年乾隆二十五年旌表

王氏州武生周璜妻年十八于歸事舅姑以孝著二十六夫亾矢志守貞終事堂上凡飲食寒煖必曲體二人意舅姑相繼歿王哀毀中經營殯葬竭誠盡禮人以至孝苦節稱之乾隆二十七年旌表時年六十四

吳貞女州人宏基女王元紳聘妻年二十一未婚元紳歿吳聞訃易服奔喪號慟絕食時夫姊孀居在室泣勸至再乃願守節終身元紳素貧身後無所遺吳以針黹自給雖歷饑寒不怨夫姊有子一無家與吳共處極敬睦其子娶婦生男女各一而夫姊及其子夫婦皆相繼歿所遺幼穉吳俱鞠育之俾得成長乾隆二十七年旌表時年六十

王氏州人耀生女陳漢超妻年十五于歸二十一夫亾家
貧無子姑在堂夫弟未成立王念若以身殉姑將焉依
乃日勤女紅謀食養姑身雖嬰疾服勞不稍怠姑歿殯
葬無措王盡以室中器用衣飾易貲籌辦每食必先泣
奉姑與夫木主前歲時享祀貧不廢禮撫夫弟漢章成
立娶于雷未久漢章歿王待雷加意撫卹瑩瑩一室相
處無閒言云乾隆三十八年 旌表苦節至今四十六
年現年六十六

雷氏州人陳漢章妻又漢章爲嫂氏王教撫成立雷于歸後
事王恭謹相夫以儉勤稱年三十夫亾無子遺女三俱

幼雷誓無二心與王同節兩女旋殤撫長女及笄贅女
夫于家未幾女夫與女相繼歿妯娌相依共矢荼檠鄉
黨敬而哀之守節至今三十一年現年六十

王氏州庠生曰成女正白旗漢軍生員王聖成妻王年十
九于歸越三載聖成歿無子王痛不欲生以姑老無所
依乃矢志事姑守節家貧日勤針黹以佐饔飧殫孝養
者十六年姑歿力營喪葬畢寄居母家乾隆三十九年
本旗題請 旌表現年五十八

石氏州人懷秀女湯文輝妻幼事父母能孝年十七于歸
家故貧力持中饋敬養舅姑二十七夫嬰疾盡典簪服

百計求療竟不起無子遺一女石痛不欲生堂上泣慰之乃曰舅姑在婦何敢死日務針黹以謀菽水舅姑疾奉湯藥不離側舅歿殯塋盡禮事姑年九十餘晨夕問視如一日先是夫弟有六人姑以多病不能撫俱石鞠育成室撫女既長亦擇配得所云乾隆四十一年旌表時年六十九

王貞女州人曰興女州庠生蘇世恩聘妻年二十未婚世恩歿王聞訃卽截髮毀容請于父母奔夫喪憑棺慟絕者再戚黨咸慰解之乃留事舅姑極盡誠孝性嚴肅非骨肉不見其面操作井臼無懈時以貞女爲孝婦者九年卒二十八乾隆四十一年旌表

袁氏州人昭遠女俞國潮妻幼知書識大義年十七于歸勸夫力學夫以貧業賈于外家政悉畀諸袁事舅姑及夫生母黽勉旨甘心力俱瘁舅姑相繼病歿藥餌殯葬盡出嫁時簪服易費以辦二十九夫亡袁念夫生母在堂子四俱幼不敢殉仰事俯育胥賴女紅凡孝養夫生母四十三年如一日教育諸子成立四子翼鴻補諸生食餼初袁于閨中時覽經史閒及吟咏夫故後取所詠焚之曰未亡人焉用詞章末耶每四時祭祀哀禮至老不衰嘗訓諸孤曰祭必誠庶幾能如在也乾隆四十二

年旌表時年九十

李氏州人承祖女金撰玉妻年十八于歸二十夫亡家極

貧舅姑在堂夫兄弟俱遠出遺孤在襁褓中李以事親

撫孤為己責日勤針織力謀菽水雖極匱乏不敢貽堂

上憂姑患足疾三年旦夕侍奉扶掖不懈舅姑相繼歿

力營殯葬子年十三殤李痛欲絕族人勸以夫從子義

為後撫如已出教之力學補諸生平居待夫諸從子亦

專勗其敦行讀書云乾隆四十四年旌表時年七十

四

林氏江南上元人鳳來女州人鄭起貞妻年二十一于歸

以不及事舅姑日懸遺像奉之如生起貞習計然往來

南北林年三十二起貞客死櫬歸慟絕者再子光宗甫

四歲女二俱幼起貞遺貲既渙散家計匱乏林持長齋

日勤女工易食撫其子女子稍長令就外傳歸則督課

甚切終以貧故改業為賈後家漸裕光宗泣請茹葷終

不許苦節四十一年倉場總督宗室塞爾赫旌曰節操

松筠雍正九年卒年七十二歿之前一月謂其子曰吾

昨夢人牽熊來且曰七月來接今汝婦有娠可望生男

吾將于七月死不及見孫矣果生孫當命名文英是年

光宗果生子如母訓名之今文英以乾隆庚寅舉人候

選教諭

沈氏州人陶濱妻于歸後相夫克謹濱嘗病劇沈涕泣禱天割股和藥以進獲愈沈年三十八濱以療疾卒遺子文成尚幼殫力教養成立文成稟母教事伯父極恭謹年十六以伯父病危亦割股療之人嘉其義沈卒于乾隆二十四年年七十八

張氏州人陳訓繼妻年二十七于歸時訓已久疾未踰月訓卒家貧前室趙所生子韶尚幼張誓不改適撫前室子至十六歲殤復以族子誼爲後家無恒產饗殮日不給乃於舍旁隙地植瓜菜以易食晨夕灌溉身任其勞

教子稍能樹立克盡孝養張自甘荼苦如故子歿遺二孫張又撫之歷艱難困頓五十九年乾隆四十四年卒年八十有六

周氏州人于國相妻居小馬家庄于歸後相夫以勤儉著年三十一夫亾三子俱幼家貧周誓不改適依母家操作自給撫三子顯祖成祖紹祖成立苦節四十八年卒年七十八

高氏州人嵩女陳嘉言妻年二十五于歸相夫克盡婦道二十九夫歿無子高矢志守貞以夫從子樸爲嗣時樸未周晬高教養兼盡俾得成立苦節四十年卒年六十

八

鍾氏州人居元龍妻于歸後克盡婦道年二十六元龍歿

鍾志不可奪茶檠守貞歷今六十一年現年八十六

馮門雙節李氏州人玉琳女馮廷敬繼妻李氏州人德元

女廷敬子徵妻也李年二十一于歸事夫以敬慎儉勤

著待前室子徵如已出以兄德元女爲徵妻三十九廷

敬卒所生子術尙幼徵已先數月歿徵妻年二十七子

達未周晬姑婦並守貞撫孤慈孝交盡凡同甘茶檠者

歷四十五年姑現年八十二婦現年七十一

朱氏州人劉五妻居協各庄年十七于歸事舅姑盡孝二

十八夫亾子甫八歲朱代夫侍親撫孤成立苦節五十

三年現年八十

郭氏州人韓士瑋妻居疇裡村年十九于歸相夫以儉勤

著四十夫亾遺一子一女子成相幼多疾郭以夫祀爲

重殫心撫育俾得成立女長適州庠生張希天亦早寡

詳後傳郭守節三十六年卒年七十五

徐氏州人于光祖妻年二十六于歸孝事舅姑家貧日勤

操作舅歿佐夫經理殯葬克盡誠信年三十九夫亾姑

在堂子秉忠兩歲女未周徐食貧事姑力撫子女苦守

四十一年現年七十九

方氏州庠生陳瑄妻年十八于歸事姑孝謹相夫力學有賢聲越七載夫亡子未周晬方以夫祀不可絕矢志撫孤稍長教之就傅早夜督課以克繼書香爲勗子克荷廩貢生方苦節五十年乾隆三十四年卒年七十四張氏州人趙之紀妻年二十一于歸相夫持家克殫婦道二十七之紀歿子人龍方在抱張誓無二心食貧堅守教養其子成立苦節四十五年卒年七十一李氏州庠生孔傳宣妻年十五于歸婦職以賢著二十夫歿無子女李矢志不二茶檠守貞俟夫從子庠生繼彰繼彰沒其子廣義贍養之後以夫從子繼曾爲嗣乾隆

二十一年學校公舉督學徐額旌曰清節維綱苦節五十六年現年七十五

李氏州人金承祖妻于歸後相夫敬順年三十三承祖歿子琪尚幼李勵志茶檠撫孤成立苦節四十三年現年七十五

張門雙節朱氏州人經女張廷瑞妻張氏州庠生懋德女廷瑞子永盛妻也朱年二十一于歸三十一夫亾遺二子永茂永盛俱幼家貧夫喪不能舉朱從弟元介及戚屬共助之張賃居一椽針黹育子歷饑寒不易其操永盛妻張十九于歸能事孀姑三十七而寡遺子二俱幼

衣食不繼有勸改適者張泣拒之曰吾法吾姑苦自能甘也撫二子稍長習負販貧窶如故張處之無怨言朱

苦節四十三年卒年七十三張苦節二十一年現年五

十七

通俗偶有一姓非宗而議婚者故永盛娶于張云

姚氏州人張維垣妻維垣與姚議姻後隨從父炳宦楚中炳卒于官維垣卽隸湖廣籍入伍差務來北始成婚甫三月以限迫還楚姚寄食母家閱歲維垣遺書絕婚令姚改適親黨憤維垣無良聽姚自主姚泣告于親黨曰吾無故見絕于夫命不辰也倘死轉無以自明願終身如張氏嫠婦時年二十三居母家事親極孝每歲時伏

臘猶祀張氏之先及父母歿始歸夫族叔家年踰五十循循執婦禮張氏義之爲嗣一子已娶而夭姚被棄守貞歷艱苦者五十一年卒年七十二張氏族入高其節葬于張氏之隴以從其志

張氏州庠生阮敬妾敬娶于劉無出早卒納張生子一女一張年二十四敬歿家素貧子女俱幼張誓甘荼苦守節撫孤子維翰稍長令就學晨夕訓勉不怠旋補諸生張貞靜謙抑居家遇尊卑長幼輒引分自下嫡劉之父重其節相待若女族黨家人敬事之如嫡禮苦節四十八年乾隆四十六年卒年七十有二

陳氏州人嘉言女庠生王克恭妻年二十一于歸克恭本寒素陳日勤操作佐夫力學年四十克恭歿無子女家益貧陳以紡織自給歷奇窮者三十一年卒年七十

楊氏州人顯德女王偉繼妻偉家故貧楊于歸後黽勉佐夫以儉勤著年三十七偉忽他出不返子一女三俱幼啼饑號寒日不自給楊力勤針黹撫育之以次成長苦節三十一年卒年六十七子濟能安貧有介操人謂皆母教云

余氏州人一德女王殿芝妻年二十于歸家貧舅姑俱邁年甘旨不給余盡以簪服易貲授夫謀微利力盡孝養

舅姑歿贊夫經營喪葬家益匱乏年二十八夫亡子同甫周晬身後之事罔措余哀號幾絕賴夫族兄力營殯葬余念撫孤爲重不敢身殉夫族兄亦重其節迎歸養之未三年夫族兄歿乃依兄克斐克斐善待孀妹而困于貧余力勤針黹自給子同稍長克斐爲謀就傅余日夕紡績以脩膏火每同自塾歸輒叩所課偶懈則泣涕勉之同補諸生食餼人謂皆節母之教余苦節三十七年乾隆三十九年卒年六十有五

王氏州人馬義葵繼妻年二十一于歸事舅姑以孝稱前室遺二子俱幼撫如已出三十夫歿家極貧舅姑就衰

王日勤女紅以謀甘旨生事死葬靡不盡禮終身迫饑寒教孤子不遺餘力並底成立乾隆二十一年州紳士陳其節于督學金公額旌曰節峻懷清卒年六十六崔門雙節姚氏州人崔二妻袁氏崔二從子獻倫妻也居楊家坨姚年十七于歸二十九夫歿子生甫八月姚以夫嗣爲重苦節撫之成立袁年十九歸獻倫二十七獻倫歿遺孤五齡袁冰檠自勵與夫孀熒熒相依殫心教育姚苦節四十五年現年七十三袁苦節二十四年現年五十

常氏州人衛千總世經女庠生許景達妻于歸後克盡婦

道年三十夫亾無子矢志守節歷今四十三年現年七十二

馬門雙節榮氏州人馬老妻馮氏馬老從子馬三妻也居賈家疇榮年十七于歸三十五夫亾無子依夫從子三同居三娶婦馮十年而歿時馮年二十六苦志守節奉榮如姑撫幼子成長榮苦節三十八年現年七十二馮苦節二十四年現年四十九

毛氏州人啟山女陳良復妻于歸後黽勉操作相夫有賢聲年四十二夫亾家極貧子敬宗玉宗俱幼陳日勤針黹易食撫子旣長督課甚嚴敬宗旋補諸生敬宗玉宗

通志卷之八十八
相繼歿有孤孫毛以耄年孀婦衣食罕繼復鞠育之歷
困苦三十一年現年七十二

陳氏州人方洪寬繼妻陳本浙人媵于州人鄭姓時洪寬
爲鄭僕事主能盡力妻陸歿主命以陳繼之陸遺女五
歲陳撫如已出年二十九洪寬歿無子或勸改適陳以
死誓願終身役于主家居恒習爲勞苦操作不怠主嘉
其貞亦厚待之主歿主母及幼主俱嬰疾陳代理殯殮
罔不中禮撫前室女長字于韓女旋夭陳泣曰悔未早
葬若父母致女不得見也乃奉夫及前室喪請于幼主
葬鄭塋之隙地今鄭氏掃墓亦附饗焉陳役于鄭凡遇

幼主弟妹子女婚嫁及主母喪靡不竭誠殫力且出所
積貲以助匱乏其幼主州舉人候選教諭英述其堅操
義行甚詳苦節四十四年現年七十二

王氏州人宏烈女張良梅妻年十九于歸事舅姑以孝凡
烹飪浣濯悉躬任之無不當堂上意舅歿姑患癱疾扶
掖起居調護飲食歷幾寒暑不怠姑歿逾年夫亡王年
二十五無子夫族罕有倚賴王號痛幾絕與弟家相籌
殯葬如禮遂依母家父母憂其乏嗣王卽撫戚韓姓數
月子爲後泣告父母曰女今撫此朝夕侍親側可慰泉
下人矣父母歿依弟家相家相爲課所撫子王日勤針

菑以佐膏火子既成立稍能奉母立門戶遇匱乏家相
恒欣助之王苦節四十六年現年七十一

陸氏州人張寬妻居王家新庄子歸後相夫維謹年三十
餘夫亡遺五子俱幼家貧陸荼苦自甘撫諸孤成立以
次婚配連舉孫人謂苦節之報現年七十餘

顧氏州人方策妻子歸後佐夫操作不怠年三十餘夫
無子遺四女家極貧顧誓無二心以針黹易食撫諸女
成長爲擇婿得所顧苦節三十六年卒親族高其節舉
顧喪與策合葬

郭門雙節孫氏州人可成女郭應元妻鄭氏州人永貴女

應元嗣子景祿妻也孫年十五于歸時應元爲人司會
計所人不給孫以操作佐之年二十八應元歿孫矢志
守節撫嗣子景祿成立爲娶婦鄭年十七于歸能奉
其姑姑多疾景祿以經營于外不得侍奉鄭扶掖調護
晨夕罔怠姑歿景祿旋得疾鄭百計醫禱竟不起時鄭
年二十三家極貧子女俱幼告于親黨爲夫經營殯葬
誓不改適以針黹易食撫育子女長成今兩目將盲困
苦如故鄉里皆敬而憐之孫苦節四十一年卒年六十
八鄭苦節三十年現年五十二

蘇氏州人民義女楊永貴妻于歸後事夫維謹年二十七

夫亾無子遺女三俱幼蘇誓不改適撫育其女教嗣子
士琮成立苦節四十三年

馬氏州人王慧仁妻居天橋灣于歸後事夫惟謹以儉勤
稱年三十夫亾子幼馬誓不改適食貧撫孤苦節三十
九年卒年六十八

王氏州庠生又旦女孟希聖妻年十六于歸事舅姑以孝
著舅歿相夫經營殯葬哀禮兼盡夫病醫者謂不治王
割股和藥以進乃愈數年內舉三子俱殤姑尋歿夫弟
希賢夫婦亦繼歿遺子顯仁顯義並幼王撫之如己出
年三十一夫復病割股求療竟不起家貧矢志守貞女

紅自給撫顯仁顯義成立旋以顯仁爲嗣娶婦李顯仁
早卒遺孤宏道王與婦兩世孀居食貧撫之王苦節三
十七年乾隆二十七年卒年六十八

楊氏州人鄭尙德妻居河東楊家庄年三十四夫亾家極
貧無子一女甫二歲楊誓長齋守節依夫堂弟鋼鋼亦
貧罕有贍助楊忍饑寒撫女長大歷艱苦四十一年現
年七十四女適西部民王孝亦以苦節著詳後傳

崔氏州人大成女韓份繼妻年二十二于歸孝事舅姑相
夫維謹二十七夫歿子澍尙幼崔不敢殉以仰事俯育
自任子澍旣長遊江南十餘年不歸崔熒熒一身寄食

夫族苦節四十七年現年七十三

劉氏州人自忠女謝國安妻居協各庄年十五于歸佐夫事親克盡孝養年三十夫亾遺孤甫三歲劉矢志守貞教子成立苦節四十四年現年七十三

謝氏州人楊善妻居東堡裡年十八于歸家貧佐夫黽勉三十三夫歿遺孤幼而瞽謝以夫嗣爲重食貧撫之成立苦節三十九年現年七十二

韓氏州人沙大妻居楊家坨年十六于歸黽勉操作克相其夫四十夫亾乳乳無所依賴苦守三十一年現年七

十

韓氏州人袁廷芝妻居東堡裡年十九于歸家貧相夫操作以儉勤著四十夫亾遺孤甫三歲衣食鮮繼韓甘歷艱苦教子成長里人憐而敬之現年七十

陳氏州人姚廷顯妻年二十四于歸越一載夫歿家貧無子陳矢志守貞夫叔國子生姚明重其節爲贍養之苦節四十六年現年七十

張氏州庠生史炳瑞妻居北關年十九于歸家本儒素佐夫以儉勤稱二十七炳瑞歿遺子一女二俱幼貧不自給張矢志守貞日勤女紅謀食撫育子女成立悉爲婚嫁苦節四十二年現年六十八

通志 卷之八 人物
朱門雙節陳氏州人湖南興化知縣廷仁女朱叙妻葉氏
叙妾也陳年十六于歸相夫惟謹葉勝于陳叙納之叙
歿時陳年二十六葉年二十三同志守貞家雖貧茶糜
無怨所生子女俱夭以夫從子朝棟爲後撫之成立苦
節四十五年陳現年七十葉現年六十七

朱氏州人三策女庠生李明誠妻居灤縣榆林庄年十八
于歸事舅姑孝謹二十四夫亾遺子二長椿甫四歲次
枚未周晬舅姑俱老疾鮮有倚賴朱不敢殉矢志守節
踰年舅歿產殯殮如禮姑病足嘗臥床褥朱侍奉扶
掖不懈長子椿出爲夫克後教次子枚苦志力學補諸

生朱食貧履困守節四十四年現年六十七

曹氏州人大宗女庠生潘熙妻年十九于歸佐夫力學越
十載夫亾無子家本寒素皚皚鮮依曹矢志不二苦節
三十八年現年六十七

杜氏州人高士正繼妻年二十五于歸視前室子國瑞如
已出二十七夫歿杜無所育矢志守節國瑞頗馳騫不
善治生杜涕泣勸誠國瑞旋悔悟杜爲娶婦今已舉子
女人謂微節母之力不及此苦節四十一年現年六十
七

王氏州人治秀女李國柱妻居灤縣王各庄年十八于歸

家貧孝事舅姑二十六夫亾子維新生甫七月王痛不欲生顧念老幼無所依矢志守節仰事俯育舅歿竭力殯葬奉姑終身孝謹今姑年八十八撫子維新成立能力養其母王苦節四十二年現年六十七
徐門雙節薛氏州廩貢生鈺女徐陵妻錢氏州人之棟女陵子廷璋妻也薛年十九于歸相夫克盡婦道二十九夫亾遺子廷璋尚幼薛矢志撫孤苦節教養子既長爲娶于錢錢年二十歸廷璋事孀姑孝謹三十六夫亾遺子芳桂錢育之成立薛守節三十六年卒年六十四錢守節十一年現年四十六

黃氏州人候選州同甲捷女楊岱妻年十八于歸姑在堂多疾黃奉事惟謹夫姊適李家貧黃體姑意數贍其乏小姑甫九歲姑以病不能教黃日夕指導之姑旋歿相夫經營殯葬哀禮兼至嘗謂其夫曰吾事姑日淺未殫婦職君姊處寒素盍迎歸共處亦稍慰姑于泉下也岱從之迺歸同居十餘年敬禮無失嫁小姑于張爲籌辦奩具無所吝年三十四夫亾遺子三女二俱幼黃不敢殉矢志撫孤教養婚嫁心力俱瘁仲子大經州廩生黃苦節三十一年卒年六十四

尤氏州人成業女張素妻年十八于歸家貧相夫黽勉二

十六夫亾遺孤甫六月乳哺無依尤誓不改適食貧撫孤苦節三十七年卒年六十二

姜氏州人曹鋼妻于歸後事堂上以孝年三十七夫亾舅老無所依三子俱幼家貧衣食鮮繼姜力勤女紅贍養其舅舅歿營喪葬撫諸子以次成長苦節二十四年卒年六十

韓氏州人灤州訓導文焜女庠生王家琬妻年二十于歸性孝謹能佐夫力學三十七家琬歿子鎡未成立家貧無以自給韓茹苦撫其孤既長入太學韓卒年五十九孫觀辰州諸生

薛氏州人江南長洲知縣候補知府仁錫女國子生張廷璋妻年十八于歸事舅姑盡孝二十一夫亾無子以舅姑在堂不敢殉盡鬻奩中物爲夫營辦喪葬家故貧日勤女紅以謀菽水舅姑相繼歿泣請于兄殯歛如禮兄重其節迎歸養之薛撫兄子知巳子既長食餼于庠皆其教誨功也苦節四十六年現年六十六

宗氏州人開州學正一鵬女候選吏目趙民悅妻年二十一于歸事姑克孝三十五夫亾姑在堂子二俱幼腹有遺娠宗以養姑育子爲已責家雖貧必謀甘旨以進姑疾日夕侍奉不怠撫二子及遺腹所生女以次成長力

營婚嫁苦守三十一年現年六十五

王氏州人千總子祥女姚永齡妻于歸後事姑盡孝年二

十二姑病篤王泣禱于天割股和藥以進尋愈知州黃

成章旌曰孝念可嘉後永齡患痰疾甚劇亦割股療之

人謂王志誠能感乾隆三十二年卒年六十五

李氏州人陳壯圖妻于歸後相夫以恭謹著年三十三夫

歿家貧子宗鼎甫八歲李矢志茶糜撫孤成人夫弟廩

貢生良圖重其節能贍給之苦守三十三年現年六十

五

王氏州人曰守女職員楊璉妻年十八于歸克相其夫二

十七夫亾子六歲王以夫嗣為重矢志不二撫孤成人

苦節三十八年現年六十四

張氏州人文燦女趙雲鶴妻年十九歸雲鶴相夫以敬戒

著三十四夫亾有遺娠姑年六旬張異舉子以延夫嗣

且代夫終事堂上越幾月果生男殫力奉姑二十餘載

姑歿喪葬盡禮撫其子愍教養成入張現年六十二

周氏江西金谿人英鶴女州國子生劉樞妻年二十于歸

婦職惟謹三十夫歿遺孤大鶴甫數歲周矢志守節教

子成立歷今三十三年現年六十二

袁氏州武生宗麟紱妾幼喪母年十七父以逋累欲死袁

請鬻身代償時麟紱妻艱于嗣納之其父獲全旣歸執妾婦禮極敬順家日落力勤針黹佐麟紱養其母身處凍餒無怨言及侍麟紱母疾凡床褥垢汚日夕浣濯不以諉嫡里人咸嘆其孝奉嫡數十年無稍忤麟紱身後袁丐所親殯殮以禮舉三子教之成立女一適張早寡詳後傳袁現年六十二

王氏州人永獻女王國祥妻居吳家園年十七于歸相夫以儉勤著三十一夫亾無子女矢志守節茶檠自勵者三十二年現年六十二

黃氏州人鯨女庠生馬瓏妻幼孝讓嘗侍父疾憂懼如成人年二十六于歸瓏以攻苦得血疾黃調護維謹甫七月瓏歿時黃年二十七痛不欲生舅姑以腹有遺娠勸

之始勉受命越兩月生子乃矢志養親撫孤家雖貧孝養無闕舅姑相繼歿凡侍疾飾終盡誠盡禮子廷俊質弱鞠育備至稍長命入塾不以愛妨勞廷俊年十五補諸生二十四舉于鄉今揀發山西知縣黃苦節三十五年現年六十一本年詳請具題 旌表

裴氏州人王某妻居前朱家堡于歸後家貧佐夫操作年二十五夫亾無子女裴矢志不二甘處檠茶苦節三十六年現年六十

耿氏州人世倬女王繹曾妻年十六于歸事舅姑孝謹二十三年夫亾子在抱耿矢志守節代夫完子職生養死葬誠禮兼盡子旋天耿苦節三十八年現年六十

孫氏州人兆女楊琪繼妻于歸後克相其夫善撫前室子年二十六夫亾矢志不二教養前室子成立苦節三十五年現年六十

李氏三河庠生春榮女州選貢生王嶽申妻于歸後舅鑛繼姑張俱在堂性頗嚴峻李盡婦職惟謹待夫異母弟妹一出以誠年三十九嶽申歿家貧子幼李勵志茶糜教養遺孤或勸其子貿易爲治生計李曰吾家居通四

百年世讀書今令兒輩以貧廢學是隳先業也益課子力學長介眉次介福補諸生食餼季介祉亦補諸生李苦節教子歷今二十二年現年六十

張氏州人鄭文輝妻居東關年十七于歸佐夫持家克盡婦道三十二夫亾家貧無子矢志守貞以夫從子爲後撫養成立終身茶苦安之若素云

安氏州人鄭文熹妻年二十二于歸三十夫亾無子以孀姑在堂夫弟四人俱幼不敢身殉姑旋歿哀禮兼盡力支門祚撫夫弟以次成立人謂嫂氏如慈母云

羅氏州人陽湖主簿鏊女順天府學生高兆鰲妻于歸後

姑性嚴厲羅侍奉能竭誠敬姑亦感悟終善遇之姑病
顛天請代割股和藥以進尋愈越數年姑歿夫抱疾家
又貧羅于哀痛中力營殯殮人稱其孝夫疾亟復割股
求療竟不起凡身後事貧不廢禮日勤針黹給食教子
築力學隸州籍補諸生

黃氏州武生許景福妻子歸後克相其夫年二十二景福
歿黃矢志守貞甘處茶槩苦節三十九年現年六十

顧氏州人成德女州廩生章世基妻年十七于歸孝事舅
姑值夫亦嬰疾顧以婦代子躬侍湯藥舅歿經營殯殮
必盡誠信夫沉疴莫治禱天願代及不起時顧年二十

八殮之日誓以身殉姑挽其臂臂流血漬衣蓋夫病中
曾封以進者從姑命忍死守節事姑益孝謹日勤針黹
以奉甘旨姑歿哀禮如喪舅時教嗣子讀書甚嚴既長
爲娶婦訓誨不怠苦節三十一年卒年五十八本年詳
請具題 旌表

鐘氏州人成瑞女彭永祚妻年十六適永祚家素貧佐夫
黽勉自給三十夫亾一女尙幼有遺娠鐘矢志守節與
產男以延夫嗣果舉子閱四歲殤鐘所棲僅茅舍一椽
衣食恒不繼絜絜撫女艱苦備嘗女適人乃迎養其母
現年五十九

李氏州人張士亮妻居大甘棠庄年十七于歸二十八夫
歿舅姑俱邁年子國祿甫六歲李不敢殉以終事堂上
爲己責生養死葬誠禮兼盡教其子成立起家李歷苦
節三十二年現年五十九

宛氏州人廷玠女張文興妻年十八于歸二十五文興歿
遺二子悅恒俱幼宛誓不改適守貞撫孤教養成立苦
節三十四年現年五十八

黃氏州人馮本妻本父貢生國英爲州宿儒家處寒素黃
年十七歸本越三載本歿無子黃矢志堅守不墮于貧
日勤女紅自給苦節三十八年現年五十八

李氏州人丁天乙妻年十八于歸事姑盡孝夫從母趙貞
女亦同室奉之如姑天乙客遊江浙越二載歸卒于途
時李年二十八遺子女各一俱幼夫櫬至將絕食殉從
貞女勸乃以奉老姑撫子女爲己責家雖貧必謀甘旨
奉姑至八十終喪葬盡禮貞女疾侍湯藥不離側及歿
哀悼逾常教撫子女旣長殫力營婚嫁事苦節三十一
年現年五十八

陳氏州國子生納言女魏喬年妻年十七于歸事舅姑以
孝越一載夫亾無子舅亦棄養陳矢志守節願奉孀姑
終其身以夫從子紹洵爲後教養如己出紹洵年十八

通志 卷之八 人物
補諸生旋食餼援例授學博歷署正定樂城訓導陳苦
節四十年現年五十七

雷氏州人變女劉塏妻居張灣年十七于歸二十二夫亡
家貧無子孀姑在堂夫弟增甫七歲雷不敢以身殉
勉有無竭盡孝養姑歿盡鬻室中奩具殯葬如禮撫增
成人教誨如母雖身處饑寒不怠乾隆四十二年督學
羅額旌曰巾幗鬚眉卒年五十二

皮氏州人滁蘇衛千總毓秀女庠生王澤妻年十七于歸
事舅姑孝相夫以賢能著二十七夫亾子二長文元四
歲次文翰甫周晬皮絕食欲殉時小姑貞女蘇王氏在

室力勸之曰嫂若死嫂爲其易者耳襁中兒忍累堂上
耶乃勉進飲食以仰事俯育自任舅以喪子故悲憤不
解舉止異平時皮慮有他變延至戚相慰自跪舅前泣
告曰願翁念此二孫勿過傷使媳與孫無依也舅稍紓
憂越三年舅歿家益貧外家亦莫能助乃請于姑以所
居餘屋分賃得租度日奉姑惟恐失意身則凍餒無怨
言姑憫其苦幾欲奪志皮以死誓日勤針黹教子讀書
文元年十四徙他業文翰就塾每歸必叩所課頻督夜
讀稍懈袒臂示之有癍痕二寸許寬盈寸謂文翰曰汝
父病亟我割肉以進卒不效卽欲身殉爲汝輩苟活今

乃不自奮耶文翰悟乃力學年十五補諸生皮素曉大義夫未歿時小姑許于蘇未字而寡欲奔喪皮重其貞躬送之今王貞女已奉旌皮事姑終身不怠姑臨終謂孫婦曰汝姑善事我汝輩爲我報之教二子成立俱爲擇婦苦節二十九年現年五十六本年詳請具題旌表

孫氏州人維女沈奇成妻幼知孝讓失怙恃哀痛如成人受撫于從祖父母年十九于歸家貧姑老夫筆耕給食孫針黹佐之二十二夫亾無子時夫兄先歿妯孀居僅一幼女孫誓與妯共守孝養其姑踰年妯歿孫撫其女

如已出奉姑不怠姑歿喪事罔措貸于族親經營盡禮旣葬日勤女紅積累以償所貸撫妯女旣長擇配得所夫甥徐某重其節常迎養於家苦節三十五年現年五十六本年詳請具題旌表

倪氏州庠生鈞女田煦妻年二十四于歸克盡婦道三十三年夫亾家貧無子矢志守貞歷艱苦二十四年現年五十六

吳氏州人雲保女沈伯禮妻年十九于歸佐夫黽勉以儉勤稱三十四夫亾貧無所依矢志不二苦節二十三年現年五十六

張氏州人高奇功妻居東堡裡年十七于歸家貧相夫操
作不怠三十三夫歿長子幼腹有遺娠張矢志守節踰
時舉次子忍處茶糜撫養二子成立苦節二十三年現
年五十五

姜門三節薛氏州人姜鳳翹妻張氏鳳翹弟鳳翰妻王氏
鳳翰嗣子故妻也薛歸鳳翹後事舅姑以孝著年二十
四夫亾子敏生甫八月薛矢志撫孤教育成立苦節三
十一年張年十七歸鳳翰三月夫亾無子誓不改適以
夫從子故為嗣時故產僅三月張撫之如己出自襁褓
至成立心力交瘁為娶婦王故旋夭遺一子尚在抱王

以事姑育子自任姑婦絜絜共處慈孝交盡今故子亦
成人張苦節三十八年王苦節十八年薛張俱現年五
十四王現年三十六

白氏州人文琦女庠生梁淳妻年十八于歸事舅姑以孝
著二十四夫亾無子女白矢志不二代夫恪盡子職苦
節三十一年卒年五十四

朱氏州人衛千總元介女庠生梁學海妻年二十三于歸
事姑相夫克盡孝謹二十五夫亾子甫生矢志守節奉
養其姑子六月殤依夫從子茶糜自勵苦節三十一年
現年五十五

常氏州人世紀女鑲紅旗人黃鈺妻年二十三于歸相夫敬順三十一夫亾無子矢志守節家貧不自給兄瑄爲贍養之苦節二十五年現年五十五

楊氏州人進科女庠生張永清妻居烟郊幼以孝稱年十五于歸事舅姑惟謹姑歿家貧盡出奩資舉姑喪永清勤學授徒以血疾卒時楊年二十一痛不欲生舅力勸曰吾老孫又穉賢婦毋輕殞也乃不敢殉父慮其年少將奪志楊以死誓父亦稍周卹之楊日勤針黹奉養舅及繼姑舅卧疾晝夜侍湯藥及歿力營喪葬撫子文昱旣長令人塾讀書歸必督課年十八補諸生旣受室母

教猶不倦云苦節三十五年現年五十五

雷氏州人喬能恭妻年二十六于歸二十九能恭歿家貧無子女雷念老姑在堂不敢身殉竭力侍奉以婦代子苦節二十六年現年五十四

王氏州國子生磐女于恂妻年十九于歸相夫恭謹二十六夫亾子在襁褓王矢志守貞撫孤教之成立苦節二十九現年五十四

宛氏州人廷玠女張映昇妻年十八于歸婦職惟謹二十一映昇歿子生甫八月宛以死自誓守貞撫孤苦節三十四現年五十四

王氏昌平人某女州人浙江嘉興府西水驛丞薛淳繼妻
 年十九于歸淳謁選後挈眷抵浙未久卒于官時王年
 三十三子廷樑尚幼王經理夫喪得歸葬家貧茶槩自
 甘教子成立守節二十二年現年五十四

韓氏州人仁女李宏達妻于歸後相夫以儉勤著年三十
 五夫亾家貧子昌幼絕無倚賴韓十指謀食撫孤成立
 苦守二十年現年五十四

王氏州人宏志女吳宏如妻居烟郊幼嫻姆教識大義年
 十五于歸舅廷弼已棄養太姑及姑在堂王侍奉惟謹
 宏如故卑寒賴叔廷佐贍給之王事夫叔孀如舅姑家

無間言年十九宏如歿遺孤文霖甫周晬王哀毀欲絕
 血淚漬衣以戚長勸慰不敢殉食貧撫孤稍長晨夕訓
 勉俾得成立初太姑邁年嬰疾王扶掖起居不懈姑歿
 悲痛無已時鄉里嘆為賢孝苦節三十六年現年五十
 四

張氏州庠生翁鶴齡妻鶴齡父茂舉拔萃科世業儒家處
 寒素張于歸後黽勉佐夫孝事堂上年未三十而寡一
 子一女皆相繼夭益窘乏饗殮日不能給寄食母家自
 甘茶槩年四十餘卒

趙氏州人國弼女藍廷鑑妻年二十三于歸相夫克盡婦

道二十七廷鑑病亟醫禱罔效趙焚香叩天割股和藥以進廷鑑卒不起遺子一方在抱趙痛絕者再誓不食死母郭泣勸曰夫亾死節義也獨不念藐孤乎乃勉進飲食煢煢無依茹素白給教養其子成立備嘗艱苦者已二十七年現年五十三

黃氏香河縣人國貞女州人張福旺妻居大灰店年十五于歸相夫以敬慎著三十夫亾遺一子尚幼黃矢志撫孤茶檠自勵苦節二十四年現年五十三

康氏州武生煥章女廩生劉堯妻年二十于歸舅庠生文煜早棄養事孀姑盡孝堯嗜學能文有聲庠序每試輒

高等以貧故爲計然家操書算夜歸焚膏誦讀達旦不輟康紡績伴之堯刻苦成疾將殆謂康曰老母在我不能終事惟汝是賴汝幸有娠倘生男其善撫之我知汝志不二家雖貧族賢可求助也康涕泣慰解越數日堯沒時康年三十哀毀幾絕盡出簪服易貲以殮族人爲具賻畢葬事數月生男薪水苦不給族中量助康佐以女紅必謀甘旨奉姑姑歿告諸族經營喪葬盡禮乃寄居母家子七歲令就塾族人重康貞孝助脩脯康復日事紡績以益膏火勵其子奮志讀書終困于貧徙他業康苦節二十三年現年五十二

張氏州廩生耿元亮繼妻子歸後恪盡婦職三十八夫亾遺子一女一俱幼家貧不自給張殫力撫孤脩歷困苦無怨子女以次成長現年五十一

閔氏州人仁女鮑瑞妻年二十于歸三十一夫亾有遺娠矢志守節及生子殫心鞠育以延夫祀家貧依姊家女紅度日苦守二十一年現年五十一

王氏州人候推守禦所煥章女州庠生吳霖妻年十六于歸越三載霖患瘋疾王百計求治晝夜防護不怠代夫持門戶黽勉有無者十數年霖歿王年二十五哀毀中經營殯葬貧不廢禮遺二子廷珪廷璧俱未成立鬻瑣

撫之教養兼盡現年五十二次子廷璧業儒應試

李氏州人郭一妻子歸後黽勉佐夫年三十一夫歿家貧甚子幼無所倚賴李誓不再適傭作自給撫子車成長歷饑寒困苦無怨言

王氏州人偉女張國位繼妻年二十于歸老姑在堂性苛急王先意承志脩極孝謹三十夫亾拮据奉姑歷荼苦無怨言撫前室一子及所生一子二女先後成長爲營婚嫁苦節二十一年現年五十

劉氏州人璞女李仲春妻居灤邑年十九于歸奉舅姑以孝家素貧夫作客死時劉年二十五子寅甫三歲夫柩

歸痛絕欲殉舅姑泣諭之曰兒不幸天若婦死我兩人
何依且藐孤誰撫也劉飲泣受命矢志守貞舅旋歿經
營殯葬貧不廢禮日勤女紅佐姑甘旨今姑年八十四
侍奉敬謹不怠教子寅發憤讀書弱冠補諸生劉苦節
二十六年現年五十

郭氏州人景廷召妻居西集年十六于歸三十七夫亡遺
孤尚幼食貧撫之成立現年五十

楊氏州人張臨妻居廟上年十八于歸二十夫亡無子時
繼姑在堂親族罕有倚賴楊不敢身殉孝事其姑苦節

三十一年現年五十

王氏州人宋大妻居楊家坨年十五于歸佐夫操作以儉
勤著三十三夫亡矢志守節自甘茶檠者十八年現年
五十

劉氏州人張瀚妻于歸後相夫克謹年三十三夫亡無子
撫夫從子爲嗣茶檠自甘殫力教養苦守十八年現年
五十

錢氏州人潘德占妻父籍浙之紹興僑居于通年二十一
于歸二十三德占歿子煦甫十月錢矢志守節撫孤存
祀日茹荼檠教子成立苦節二十七年卒年四十九

張氏州武舉耀女州人曹鑛妻鑛父顯宗以諸生通醫善

濟人家素貧乏張年二十二歸鑛三十鑛歿舅姑在堂
子佩甫六歲張矢志不渝以仰事俯育自任舅踰三年
卒喪葬盡禮事姑顧黽勉甘旨竭誠殫力者十八年姑
老疾晝夜侍湯藥兩月不懈姑歿以積勞哀毀越五日
卒年四十八張弟州舉人維基能述其姊苦節謂甥佩
成立皆孀母之教云

毛門雙節陳氏州人良復女庠生毛正履妻李氏州人之
桐女正履弟正益繼妻也陳歸正履婦職惟謹年三十
七夫亾子鳳池鳳彩未成立陳茶糜撫之教養兼盡陳
正現年五十李歸正益二十五夫亾有遺娠忍死以待及

產則女也家貧夫嫂亦孀居親黨憐其無依勸令改適
李以死自誓撫夫從子鳳彩爲嗣妯娌同操針黹易食
李現年三十七

錢氏州漕汛把總張明文妻子歸後克相其夫年二十八
夫亾無子夫弟先卒遺二孤俱幼錢矢志守貞撫其一
爲後旋殤又嗣夫族子和教養脩至錢苦節歷今二十
餘載門戶肅穆親黨咸尊禮之

王氏州人臨榆教諭館女昌平州庠生李琰妻琰本江南
桐城人寄籍昌平王年十九于歸二十五琰卒無子女
王誓死守節有諷以改適者曰從一之訓聞之久矣忍

事二姓以玷我父我夫乎舅東來由安州學正歷官浙
江四川知州夫兄弟玫瑰俱宦遊不能挈王行王遂寄
居母家從弟覲辰贍養之屢郵書于夫之兄弟求歸夫
家竟不得耗凡熒熒苦守者二十五年現年四十九

黃門三節李氏州人黃顯宗妻陳氏顯宗弟啟宗妻陳氏
顯宗弟國宗妻李年十九歸顯宗二十四夫亡無子陳
年二十二歸啟宗三十五夫亡遺子一甫九歲陳年十
九歸國宗二十六夫亡遺子二女一俱幼三婦于歸後
並以孝事舅姑著及顯宗啟宗國宗繼歿三婦誓不改
適同心苦節食貧撫孤後家計益匱各寄食於母家李

苦節二十六年現年四十九陳苦節十二年卒年四十

六陳苦節十三年現年三十八

張氏州人楊二妻居楊家坨年十五于歸三十六夫亡食
貧苦守以節自勵歷今十四年現年四十九

齊氏州人張文聰妻居大甘棠庄年十八于歸事舅姑惟
謹二十七夫亡無子矢志守節撫夫從子純信爲嗣教
養如已出苦節已二十三年現年四十九

馮門雙節張氏州人馮書雲妻王氏書雲弟州廩生書爵
妻也張王本中表女兄弟同時歸于馮爲妯娌時姑高
年七十餘多病兩婦奉事極孝王年三十書爵歿張年

通志 卷之八 列女
三十一書雲歿所遺子女俱幼姑病日篤兩婦哀毀中
侍奉湯藥旦夕不懈及姑歿各罄奩物以營殯葬自是
家益匱乏諸孤待哺兩婦力勤針黹育之雖身至凍餒
相處絕無怨言王苦節十六年以勞瘁嬰疾瀕危囑張
善撫其子女張如言待如己出今書雲子秉銓書爵子
齊秉鈞皆成立能篤友于人謂其善承母訓且天所以報
兩婦節孝也王卒年四十六張現年四十九

田氏浙江嘉興縣國子生希賢女州武生楊崑繼妻年二
十于歸相夫儉勤待前室子大鵬及一女如己出崑得
瘵疾田晝夜侍湯藥寢食盡廢越八月崑歿時田年二

十八以前室子女未成立己所生子大鵬尙幼矢志守
貞勉支門祚教二子嚴慈交濟長爲娶婦女適聞氏亦
得所田苦節二十二年現年四十九

張氏州人文彬女車國貴妻居車家屯年十五于歸二十
一夫歿無子舅姑在堂張不敢身殉矢志守節代夫完
子職舅先棄養哀禮兼盡值夫同祖弟國興舉子天徵
甫三月卽撫爲後姑歿哀毀如喪舅時天徵七歲延師
督課晨夕訓勉十五補諸生爲娶婦今已有孫張苦節
二十八年現年四十八

李氏州人承祿女王承業妻居西集年十九于歸相夫克

盡婦道三十一夫亾遺孤幼穉李苦節撫養以延夫嗣
現年四十八

古氏州人肇誼女宛文光妻年十七于歸二十一夫亾無
子古屢欲身殉戚黨慰解之以夫從子培爲後教養成
立苦節二十四年卒年四十四

宗氏州武生麟紱女庠生張秉錚妻幼稟母教識大義年
十七于歸越二年秉錚以攻苦得疾宗侍奉湯藥籲天
求代卒不起宗慟絕欲殉顧念孀姑在堂忍死奉姑終
身以夫從子成緒爲後撫育成立苦節二十五年卒年
四十三

李氏州人穆民女金自重妻年十九于歸二十九夫亾李
以姑在堂不敢身殉家貧日勤女紅奉養苦節已二十
年現年四十八

沙氏州人萬清女劉泰妻年十六待年于歸劉越一年成婚
性貞靜寡言笑事堂上以孝著年二十三泰亾舅姑相
繼歿無子沙矢志守貞依夫季父宏禮事夫叔嬸如舅
姑待小叔小姑誼極肫摯宏禮家素乏沙操作勤劬寒
暑不懈宏禮夫婦重其節每憐慰之宏禮子益爲州諸
生能述其嫂氏苦節凡自甘荼苦者十有九年卒年四
十二

劉氏州武生李垚妻年十九于歸事舅姑盡孝相夫有賢聲以艱于嗣勸夫置妾妾復不育而歿垚旋嬰癱疾卒時劉年三十四哀毀不欲生戚黨慰解之劉曰未亾人不幸無子夫嗣莫續何以生爲乃議以夫從子文鏞爲後劉撫如已出長爲娶婦王今已舉孫劉現年四十六陳門雙節王氏州人淳女陳炳禮妻黃氏炳禮弟炳暉妻也王于歸後事堂上以孝著年三十炳禮歿婦姑在堂遺二子舉培舉基俱幼王矢志守貞仰事俯育姑歿後家益乏夫族陳懋華高其節贍于家王苦節歷今十七年現年四十六黃年二十二歸炳暉越二十日而寡誓

不改適以夫兄子舉基爲嗣撫如已出苦節十五年卒年三十六

楊氏州人劉天富妻居朱家店于歸後佐夫操作以儉勤稱年二十三夫歿子甫周晬楊誓不改適依母家食貧撫孤苦節二十四年現年四十六

許氏州人鵬程女孫繕文妻年十六于歸十九夫亾無子許堅矢大義願甘荼檠以終其身苦節二十八年現年四十六

張氏州國子生麟女王宗洛妻年二十一于歸事舅姑克盡誠孝年三十四夫亾一子尙幼張以婦代子事堂上

益謹舅疾日夕侍奉不離側及歿經營殯葬心力兼瘁姑以賢孝稱之現年四十六

趙氏州庠生潘國杰妻居林家屯年十九于歸事堂上以孝三十三國杰歿時舅英久棄養孀姑王在堂三子熊燕熹俱幼趙奉姑守節育子成立今姑年七十二趙年四十六

李氏州人如彬女王化成妻居東關年二十一于歸家貧舅姑在堂相夫力盡孝養夫疾亟焚香告天割股和藥以進卒不起時李年三十八子女俱穉舅姑皆踰七旬家徒壁立絕無依倚母家亦貧有弟稍周助李日夜勤

十指以供堂上菽水已與子女一日不再食衣百結衣甘之無怨舅歿百計營葬姑病割股求療果愈姑現年八十餘子今十歲李現年四十六鄉黨稱爲賢孝

方氏州舉人谷瀚妻年十七于歸時瀚年十九登乾隆癸酉賢書三載瀚歿方以有遺娠不敢殉閱五月生子應律方矢志撫孤家貧依母家數年後苦不給寄居小姑家女紅佐食育子成立夫弟濬習貿易稍資之苦節二十六年現年四十六

姚氏州人胡炳妻炳父奕芳爲州武生家素貧姚年二十三歸炳勉佐夫以儉勤著二十九炳歿子國柱甫四

通州志 卷之八 列女 三
歲孤苦無所依姚誓不改適日勤十指易食育子成立
苦節十八年現年四十六

徐氏州人鄭邦基妻居泰子府年十七于歸事舅姑孝謹
相夫有賢聲二十七夫亾遺孤甫三歲徐矢志不二殫
心仰事俯育者歷今十九年現年四十五

阮氏州國子生虔女武生鄭文瑛妻年十七于歸姑在堂
奉事惟謹夫嘗客山左歲一往來以車覆殞于沂州途
次時阮年二十四聞訃死而復生者再顧念子甫四歲
女在抱不敢身殉食貧撫孤子箋詩既長爲娶婦字女
亦得所苦節二十二年現年四十五

劉氏州人王國富妻居藁村年十五于歸孝事舅姑相夫
惟謹二十一國富歿遺孤甫三歲劉忍死守節侍奉堂
上不怠撫子成長苦節二十五年現年四十五

張氏州人文學女賈克謙妻居賈家疇年十九于歸事舅
姑孝謹二十九夫亾遺子三長六歲次四歲三子生甫
五月家貧矢志守節力謀甘旨舅姑相繼歿竭力經營
殯葬益窘乏日賴針黹贍其子歷困苦至今十七年現
年四十五

姚氏州人瀚女廩貢生白文瑞長子純妻年十七于歸純
素嬰疾娶踰月而歿無子姚以大義自誓願終身事舅

姑居恒先意承志克代子職舅姑歿依夫兩弟以居撫夫弟庠生鳳次子廷鉉爲嗣殫心教誨俾得成立苦節三十六年現年四十四

雷氏州人廷俊女林秉純妻年十八于歸相夫惟謹三十

四夫亾遺子二文光文達俱幼雷守節撫之以次成長

歷今十一年現年四十四

崔氏州人濤女蘭杲秀妻幼知大義嘗割股療父疾年二十三于歸克相其夫二十八夫亾遺一女尙幼家貧誓不改適以女紅自給撫女成長苦節十七年現年四十四

四

張門雙節紀氏文安人河南開封同知黃中女州人張鯨

妻陳氏易州庠生曾史女鯨弟州庠生鰲妻也紀年二

十四于歸事舅姑孝踰年鯨得瘵疾紀侍奉湯藥晨夕

不怠及歿紀年二十六遺一女生甫七月以舅姑在堂

不敢身殉哀毀中婦職益謹撫女長已字紀苦節十九

年現年四十四陳五歲喪父事孀母盡孝年二十于歸

相夫孝事堂上二十四夫亾遺孤在抱舅姑皆臥病陳

視歛捨絕忍死與夫嫂紀侍舅姑疾同誓苦節于七歲

殤陳痛不欲生戚黨以舅姑在慰解之今紀陳皆待嗣

陳苦節十二年現年三十五

雷氏州人廷傑女州廩生張國模妻年二十四于歸事舅姑孝謹國模以攻苦得瘵疾雷侍奉湯藥晨夕不懈者年餘及不起雷年二十九念舅姑老子燕緒尙在抱不敢身殉事堂上益誠篤姑病扶持調護凡七晝夜日不交睫姑歿哀毀中經營盡禮今舅高年多疾賴賢婦如賢子云雷現年四十二

鄭氏州人王孝妻居西部年十七于歸二十二夫亡遺子選未周晬家貧無所依鄭誓不再適願撫孤以延夫嗣居恒持長齋女紅易食育子成立今選年二十能力農養其母鄭現年四十二

王氏州人邢德重妻居牛堡屯年十七于歸家貧相夫操作者幾年夫終不能自給餬口於外王遂寄居母家母居北新庄有住旂武君安同居母他出君安欲汚之王峻拒不從奔避舅氏家越兩日母歸舅氏送王返告其母斥逐君安而君安素克暴絕無顧忌是夕王以羞忿故投井死時年二十七母鳴于官君安伏法王以守貞不污捐軀明志附疏具題乾隆三十三年旌表

楊氏州人州同國璽女庠生蘇世德妻年十五于歸克盡婦職十八夫亡無子楊誓不改適苦節七年卒年二十四

劉氏州人馬明元妻年十八于歸事舅姑孝謹舅歿相夫經營喪葬哀禮交至二十九夫亡老姑在堂子二女一俱幼劉以仰事俯育自任矢志守貞力持門祚越二載餘姑歿喪葬一如舅歿時撫育子女以次成長鄉黨咸重其才節現年四十一

陳氏州人國興女王三瑞妻居龐村庄年二十三于歸善事舅姑相夫以道二十九夫亡無子女痛不欲生以姑在堂黽勉侍奉苦節十二年現年四十

韓氏州人士瑋女州庠生張希天妻居烟郊希天幼喪母父國棟再娶于許許撫希天兄弟四人如已出及長相

繼補諸生皆許撫育之力韓年十七歸希天事舅及繼姑極孝越四年而夫歿子女俱幼韓誓不他適不一年子殤踰二載舅歿侍孀姑起居飲食誠敬兼盡無其女乳乳一室云苦節二十年現年三十九

袁門雙節王氏州國子生磐女國子生袁炳玉妻孫氏炳玉妻也炳玉素病瘵王年二十四于歸時炳玉已先納孫王偕孫主中饋無少猜妬婚數月炳玉歿王以孫有遺娠不敢殉夫故後十五日孫果舉孿生子王幸夫祀得衍與孫矢志守節孫亦誓無二心交撫兩子今子得潤得淦年俱十四能讀書爲文母氏猶日夕督訓不怠

通州志 卷之八 列女
王與孫俱現年三十七

李門雙節海氏州國子生李基繼妻雷氏基子州庠生文
銓妻也海年二十一于歸相夫敬順撫前室子文銓及
女如已出文銓娶于雷氏雷年十七能孝事舅及繼姑
越十二年文銓歿遺二子瀨淳俱幼雷痛不欲生舅姑
慰之曰盍撫孤以慰泉下乎雷涕泣受命自是基以喪
子故多病家亦匱乏海與雷鬻簪珥以佐食越五年基
歿時海年三十四子文銘及女俱幼殯殮罔措戚黨助
一之姑婦哀毀不食者六日顧念兩世幼穉俱未成立姑
婦矢志同貞歷凍餓無怨言海現年三十六雷現年三

十八

石氏州人韓城妻居疇裡村年十五于歸十九夫歿舅姑
在堂子四海幼石誓無二心以仰事俯育自任苦節十
八年現年三十六

李氏州廩貢生柳如鎔妾于歸後事家長及嫡汪敬順有
禮年三十如鎔疾侍奉湯藥寢食俱廢瀕危割股和藥
以進卒不起無子遺二女俱幼李矢志守節願奉嫡終
其身嫡性頗嚴李事之循謹不懈現年三十六

楊氏州人廷秀女黃學孟妻于歸後克盡婦道年二十六
夫亾子榮幼楊以夫祀爲重不敢殉守貞撫孤歷今十

一年現年三十六夫歿遺妻年十六于歸二十三夫亡遺
陳氏州人懋信女黃維璘妻年十六于歸二十三夫亡遺
一女尚幼家貧無所倚藉陳矢志堅守日勤女紅給食
撫養其女苦節至今十二年現年三十四

倪氏州人銑女庠生周履惠妻年十七于歸履惠性孝友
力學好義乾隆三十一年學校以優舉督學額旌之倪
能佐夫攻苦有賢聲二十二履惠歿遺孤謙撫甫二齡
倪以夫祀爲重不敢殉殫心撫育漸以成立苦節十一
年現年三十二

樊氏州人于治妻年十九而寡無子家極貧親黨罕有倚

賴樊矢志不二以針黹自給苦節十三年現年三

十二

耿氏州舉人世傑孫女張文禮妻幼知大義年十五于歸
十九夫歿遺幼女一耿痛不欲生親黨咸慰勸之乃忍
死撫其女門內峻肅非骨月莫睹其面苦節十一年現
年二十九

楊氏州人王選繼妻于歸後事夫惟謹年二十一夫亡無
子內外族黨以年少家貧勸令改適楊矢志不二願苦
節終其身有百計勸解之者楊忿不欲生勸者亦懼而
退居恒煢煢一室茹苦自甘雖骨月罕見其面苦守歷

今僅六年而志貞操潔鄉里共信亟登之以成其志且為奪其志者戒楊現年二十六

按自劉向傳列女蔚宗宗之臚陳女範不拘一操魏隋以來始專書節烈顯著者良以履常丁困境遇不同變而能貞其行逾卓我

國家化民成俗揚闡幽潛凡節婦年例既符均得上邀旌表建坊入祠又

欽定清標彤管字額給與無庸建坊之家風勵人倫典稱大脩夫海內甚廣節婦歲不乏人藉非分別年限則申報何可勝數且尋常孀寡自難與奇窮苦節一體

邀榮此定例不得不嚴也至若方志所登固不容濫而或有年例未合境苦志堅及孝事舅姑剗肉療疾者皆足使桑梓之人聞風觀感則稍寬其例益見守義敦倫斷不泯沒更有早寡僅及數年而勸之奪之能以死誓實為親黨所共信者亦附載以警奪志之非以保立志之確顧或鄉愚僻處採訪難周嗣續無人清操莫述又豈能免挂漏之憾歟

人前赴莫... 非以... 論以... 錄... 昔... 而... 故...

通州志卷之九

風土志 凡目二

觀民風而知教化之原辨土物而知天地之利剛柔殊尚
燥濕異宜日用織悉政莫大焉通俗舊稱豪勁而蹈禮義
服聲名者多藹然儒雅風其地所育亦物產恒需罕及珍
異蓋 國家首善之澤最先斯習進於淳用歸於儉也志
風土

風俗 土產

風俗

士族

風土

風土志 凡四十一
風俗 國風自昔之興是次海管我亦有用風氣以命也
風俗 國風自昔之興是次海管我亦有用風氣以命也
風俗 國風自昔之興是次海管我亦有用風氣以命也
風俗 國風自昔之興是次海管我亦有用風氣以命也
風俗 國風自昔之興是次海管我亦有用風氣以命也
風俗 國風自昔之興是次海管我亦有用風氣以命也
風俗 國風自昔之興是次海管我亦有用風氣以命也
風俗 國風自昔之興是次海管我亦有用風氣以命也
風俗 國風自昔之興是次海管我亦有用風氣以命也
風俗 國風自昔之興是次海管我亦有用風氣以命也

風俗

燕渤海之間一都會也大與趙代俗相類而民雕悍少思

慮 史記

燕趙多奇士又云燕地多貴人豪傑 漢書

北平水甘土厚人多技藝秀者讀書次則騎射耐勞苦 隋書

地理志

燕趙多慷慨悲歌之士 唐韓愈集

幽并之地其人沉鷲多才力重許可 唐杜牧集

風俗樸茂蹈禮義而服聲名 宋范鎮幽都賦

幽燕之地自古號多豪傑名於圖史者往往而是 宋蘇軾集

勁勇而多沉靜

宋蘇轍集

崇德尚義顧恥修廉以忠信勵其俗以詩書傳其家

金志

走集之交聚會之所習為商賈勇於奔競喜聲名者有雄

桀之風好詩書者多慷慨之致

國朝一統志

當水陸之衝財貨集焉往往逐末者多務本者少

州舊志

俗使氣仗節士農務耕讀婦女勤于蠶織

潮舊志

冠禮俗鮮舉行者

婚禮先遣媒妁問名取女年庚合婚亦有男女親長作保

親者不必合婚謂之撞婚行定禮用釵釧袖帛及羊酒

菓餅等物將娶行聘禮用衣飾及羊酒菓餅等物俗名

下茶又名過禮將娶先期婿家備禮物及雞席送女家

曰催粧女家送裝奩仍以雞席歸婿家曰鋪床裝奩豐

儉各稱其家娶前一日曰花燭男女家俱有戚友備禮

稱賀各設吉席款待娶之日間有親迎者近亦罕行娶

之次日女家送果品等物曰點茶三日復送席曰饌飯

娶後幾日擇吉行廟見禮女家親戚咸往婿家曰會親

九日女家迎婿女至家曰回九十八日女家親戚咸往

婿家曰作雙九或女家復迎婿女至家曰回雙九及一

月女家迎婿女至家曰住對月或婿先返擇日送女歸

喪禮死之次日戚友俱送冥鏹男喪送紙馬女喪送紙轎

喪家延僧道作佛事曰接三其不作佛事之家無接三禮士大夫家及豐裕者或七七俱作佛事其不作佛事者遵文公家禮于死後五六七等日延庠生行成服禮踰時治喪親友奠賻者喪家裂帛荅之發引前一日戚友賻弔曰封靈士大夫家延庠生行遷柩禮發引日喪家或用僧道士大夫家或延庠生于途行遣奠禮戚友束帛素服送殯或設路祭或設祭品于墓所曰山頭祭墓三日本家祭于墓曰煖墓向遇喪事有司會者頗于喪家有益今不甚行

祭禮詳後每月中

正月元旦家設香燭酒果拜天地祖宗出門賀節城隍廟中自隔歲除夕至元旦有廟場香會元宵節以果相餽自十三至十六各廟鼓樓懸燈放花炮其演戲者曰燈戲男女各游街市觀燈曰走百病又曰走橋兒自十五至三十里二泗娘娘廟有廟場香會二十五日啖餅餌曰填倉

二月二日爲龍擡頭用灰撒地謂之引龍煎菜豆粉爲餅曰燻虫兒爲多蝎蠅臭虫也自初一至初三各署土地廟演戲祀神十九日北壩菩薩廟有廟場香會

三月清明節本州城隍盛儀仗騶從出巡赦孤家各祀祖

先數日內各掃墓有喪之家三年內于春首戊寅日以
前祭新墳俗謂新墳不過天赦日也自二月晦日至初
二孤山廟有廟場香會自十七至十九楊富店娘娘廟
有廟場香會自二十七至二十九東嶽廟有廟場香會
四月八日爲浴佛會徧以熟豆施人謂之結緣自初一至
十五宏仁橋娘娘廟張灣廣福寺卽接待寺俱有廟場
香會十八日草寺娘娘廟有廟場香會二十七八日城
內外四處藥王廟有廟場香會二十八日北關九神廟
有廟場香會

五月初一日俗稱爲本州城隍誕自四月晦日至初一有
廟場香會里二泗娘娘廟亦于初一有廟場香會端午
節家以角黍相餽遺插艾懸符飲菖蒲雄黃酒製五色
線繫兒女臂以避毒演龍舟于運河之中以爲戲十三
日爲 關聖誕自初一至晦日王恕園 關帝廟有廟
場香會陳積百貨互相市易演劇禮神游人雜沓

六月六日曝衣

七月七日爲女節用盞盛水曝日中水面生膜投以小針
謂之丟巧十五日家各祀祖先本州城隍盛儀仗騶從
出巡赦孤各處作佛事放河燈超度孤魂各廟作盂蘭
會

八月十五日家設瓜果祭月以月餅相饋遺

九月九日蒸粉麵置棗栗其上曰花糕間有采菊載酒登高者

十月初一日本州城隍盛儀仗騶從出巡赦孤家各祀祖先裁紙爲衣焚之曰送寒衣初八日相傳爲州土地誕初七至初九三日于土地祠內演劇張燈游人雲集十一月長至節家各祀祖先

十二月八日用各種粟米雜諸果同煮曰臘八粥二十三日夜設牲醴糖餅祭竈除夕各祀祖先設酒肴宴樂曰分歲坐至夜分曰守歲燒炭火蒼朮以辟瘟各於門前燔柴曰燎歲花炮之聲達旦或貼紙錢或貼門神士大夫家則掛挑符

土產

穀之屬

稻

黍

稷

麥有大小麥蕎麥穰麥各種

梁

豆各種俱有

稗

芝蔴

紅茹

白茹

紅白茹二種於乾隆二十三年前督憲飭種今每年長發利民

蔬之屬

韭

芹

瓠

芥

莧

茄

葱

蒜

藤蒿

萵苣

芫荽

甘藷

山藥

蘑菇

蘿蔔

葫蘆

蒲菜

茭白

蒲豆青白紅三種

菜有數種黃芽者佳

菠薐原出頗陵園今俗名根倒菜

瓜 有西南東王倭甜菜絲等類

苦蕒

果之屬

桃

杏

李

葡萄

長者佳圓者次之

梨

藕

蓮蓬

棗

兩頭尖者佳圓者次之

荸薺

石榴

山里紅

慈菇

木之屬

桑

榆

槐

松

柏

柳

楊

花之屬

碧桃

夾竹桃

榴

藍枝

花似桃無果

荷

金盞

珍珠

薔薇

有一本具五色者

迎春

探春

水紅

菊

各種各色

六月菊

鷄冠

丁香

紫白一色

老來紅

卽五段錦

水仙

翠娥眉

佛指甲

玉簪

秋海棠

鳳仙

卽指甲草

石縐

喇叭花

卽牽牛

爬山虎

江西臘

水蓬花

草茉莉

紅黃紫白各色

晚香玉

紅姑娘

藥之屬

大黃

紫蘇

兔絲

苦丁香

卽甜瓜蒂

旱蓮

家艾

瓦松

地膚子

卽掃帚子

槐角

天麻

卽草麻子

白蒺藜

張灣者佳

桑白皮

蒲公英

蒼耳子

草之屬

萍

藻

荻

葦

莎

茅

苔

蒿

薺 娘娘拳 老鸛嘴 水

艷婦苗 星星草 燈籠窠

禽之屬 鵲 黃雀 鳩 鴿

鷗 鷺 鳧 魚鷹

鷄 鶩 鴨 青鸚

啄木 鷓鴣 鷓老 黎鷄 即扈

鵲 鐵脚雀 山鷓 鴉

獸之屬 牛 羊 馬 騾

驢 豕 犬 狐

狸 獾 狼 兔

貓 鼠 黃鼠狼

鱗之屬 鯉 產潞河 鮒 鮓 鮓

鰻 鱧 刀鞘魚 鱖

介之屬 鱉 蝦 蚌 螺

蛤 蟹 青蛙 俗名田鷄 蝸牛

蟲之屬 蛇 蝎 蠶 蛾

蟬 蜂 蝶 蠅

蚊 蟻 蚓 蟋蟀

蜘蛛 螳螂 蜻蜓 蝙蝠

蠅虎 蝎虎 螢 蜈蚣

貨之屬

棉花

槐花

靛

油

酒有黃燒二種

蔴

麩

醋

醬

菸麵

西紙

腹地藍

紙名

竹葉青

州所釀酒名

按布帛菽粟民之至寶雖宇宙所盡產而必紀於方志者重民生也至若草木鳥獸鱗介昆蟲時和物豐各遂其性縱臚列未賅亦仰見

盛世煦育之澤不遺一物云

